

卷一百廿三

231-33



一百廿一至一百廿三

王本

卷二百卅三
五卅三

雲南 蒙氏 地

邊 關 下

續文獻通考

續文獻通考卷之二百三十一

皇明進士雲間王圻纂輯

輿地考 雲南 蒙氏始末

雲南古梁州之域

元置雲南諸路行中書省為路三十七府二屬府三屬州
五十四屬縣四十七其餘甸寨軍民等府不在此數雲
南本古梁州之南境為徼外夷地漢領以益州部刺史
自唐至宋為蒙氏段氏所據天祚二年歲在壬子元世
祖以親王授鉞專征秋九月出師冬十二月濟河春歷

監夏夏四月出蕭關駐六盤八月絕洮渝吐蕃分軍為
三道遣使大理招之道阻而還十月過大渡河世祖率
騎由中道先進十一月渡瀘所在望風款附再招之至
其國遇害十二月薄其都城城倚點蒼山西洱河為固
國主段興智及其臣高泰祥背城出戰大敗之又使招
之三返勿聽下令攻之東西道兵亦至及登點蒼臨視
城中宵潰興智奔善闡追及泰祥于姚州俘斬以殉分
兵畧地所向皆下惟善闡未附明年春留大將兀良哈
等經畧之未幾拔善闡得興智以獻釋不殺進軍平烏

蠻部落三十七攻交趾破其都收復磨溪洞三十六金
齒白衣羅鬼緬中諸蠻相繼歸附雲南平列為郡縣凡
總府三十七散府八州六十縣五十甸部寨六十一分
隸諸道立行中書省于中慶以統之

皇明改置雲南等處承宣布政使司領雲南大理臨安楚
雄澂江廣西廣南鎮沅蒙化景東永寧順寧孟定孟良
一十四府曲靖姚安鶴慶武定尋甸麗江元江永昌八
軍民府嵩明等四十一州車里軍民等七宣慰司南甸
千崖隴川三宣撫司十二關等二十一長官司又置雲

南都指揮使司領雲南左右中前後廣南大理臨安曲靖景東楚雄洱海平夷越州蒙化陸涼永昌大羅一十八衛瀾滄騰衝二軍民指揮使司宜良易門安寧馬隆楊林堡十八寨木密關七守禦千戶所又置雲南等處提刑按察司分普安臨元金滄洱海四道兼察諸府州衛所三司則並治于雲南府

雲南府上蜀漢初置雲南郡晉因之兼置寧州宋齊並為建寧郡隋置昆州後廢唐初復置南詔蒙氏改為善闡府元初置善闡萬戶府至元中改置中慶路領縣三

州四州領縣八 本朝洪武中改雲南府領嵩明晉寧

安寧昆陽四州昆明富民宜良易門歸化呈貢羅次祿

豐三泊九縣

昆明 中倚郭唐為晉寧縣地元初分其地立千戶二

之富民 復改富民縣 本朝因之 宜良 下唐匡州地

千戶後升宜良州領大池 本朝因之

嵩盟州 下蒙氏改嵩盟郡元初立嵩明萬戶府至元

甸二縣 本朝初因之 楊林 下在州東南

羅蠻枳氏車氏斗氏麼氏四種所居地城東門內有石如羊故又作羊唐有羊林部落即此元憲宗七年

立羊林千戶至元邵甸下在州西治白邑村無城郭

十二年改為甸東為邵憲宗七年立邵甸

千戶至元十二年改為縣蒙氏段氏皆為陽城堡部元初立陽城堡萬

晉寧州戶府至元中復為晉寧州本朝因之領歸

化呈貢歸化元初屬呈貢千戶所至元初呈貢元初

二縣分置歸化縣本朝因之呈貢

貢千戶所至元中改為本朝因之

昆陽州宋時大理以高氏治之名巨橋城元初立巨

橋萬戶府至元中改為昆陽州本朝因之

領縣三泊大理時屬善闡元初屬巨橋萬戶府至元

二中于那龍城置三泊縣以溪為名本朝

因易門大理時高福世守其城元初立洩門千戶所

屬巨橋萬戶府至元中改易門縣本朝因

之

安寧州元初屬陽城堡萬戶府至元初立安寧羅次

本烏蠻羅部元因羅部置羅次州屬中領縣二

慶路後改為縣屬安寧州本朝因之祿豐古祿珠

昔烏爨蠻居之元初屬安寧千戶所至白村

元中置祿豐縣屬安寧州本朝因之

楚雄府下宋時大理段氏改白鹿部後改威楚郡元置

威楚萬戶府至元中改為威楚路後置威楚開南等路

宣撫司于此領四州三縣本朝洪武十五年改置楚

雄府鎮南安鎮南二州楚雄廣通定遠定邊碣嘉五縣

楚雄下倚郭宋時大理段氏屬姚州元初置千戶所

至元中改置威州仍立富民淨樂二縣尋降為

威楚縣以二縣省入定遠下宋時屬大理元初置

本朝改為楚雄州千戶至元中改定遠州

仍立南寧縣尋改州為縣定邊宋時為大理舊治元以南寧省入本朝因之

鎮南州至元中省入州碣嘉本夷獠地曰虔初元始本朝復置改屬楚雄府

屬威遠路本朝因之而改屬楚雄府

鎮南州宋時地屬大理段氏元初置欠舍千戶石鼓百戶至元中改欠舍千戶為鎮南州又置石

鼓定邊二縣後省二縣入本朝復置定邊屬府而州仍舊

南安州本黑爨蠻所居地塞名摩芻元初置摩芻千戶屬威楚萬戶至元中改南安州領廣通縣

景東府南詔蒙氏為銀生府之地後為金齒白蠻侵奪

本朝仍為州廣通南詔立為縣元初置路賧千戶而以縣屬府

本朝改屬楚雄府

其地宋時大理段氏莫能復元初討平之以其所部隸

威楚萬戶至元中改置開南州隸威楚路本朝洪武

中改為景東府

威遠州下州在開南西南其川有六昔樸和泥二蠻所居至蒙氏興威楚為郡而州境始通其後金齒

白夷蠻首阿只步等奪其地元中統三年征降至元十二年立開南州及威遠州隸威楚路

武定軍民府本烏蠻名羅婺郡元初內附置羅婺萬戶府至元中併仁德于矢二部入羅婺更置

北路總管府尋改武定路治南甸縣領二州四縣本朝改為武定軍民府領和曲祿勸二州元謀一縣

和曲州羅名巨邁甸段氏時以烏蠻阿劇治之統于

和曲州領南甸縣省入州領縣一初元謀舊名華竹

因之尋以南甸縣省入州領縣一初元謀又環州元

至元中置元謀南甸蠻曰滾甸又稱滾籠取元改為縣本朝省入州

祿勸州舊名洪農碌券甸易籠蠻所居元至元中置勸州領易籠石舊二縣本朝以二縣省

入州編戶八里舊城在州北地名位場縣境有二水蠻語謂滾為水籠為城因此為名昔羅婺部大酋居

之為群酋會集之所至元二十六石舊下縣在州東

年立以為籠縣本朝省入州

鳩曰法塊曰抹捻曰曲蔽掌鳩有溪遠其三面凡教本朝

州省入
鶴慶軍民府唐時為越析詔之地名鶴川又隸共州南
詔于樣共置謀統郡元初內附置鶴川尋置二千戶仍

稱謀統屬大理上萬戶至元末陞鶴慶府尋改鶴慶路

領劍川一縣 本朝洪武中改為府後改鶴慶軍民府

領劍川順州二州

劍川州南詔置劍川節度大理段氏改為義督賧元

州順州見麗江路

孟養軍民宣慰使司地名香栢城元至元二十六年置

十五年改為雲遠府十七年改孟養軍民宣慰使司

車里路軍民宣慰使司蠻名車里自古不通中國元征

路軍民總管府領六甸後又置耿凍路領耿當孟弄二

州本朝洪武十七年改置車里軍民府十九年改宣
慰使司隆慶二年頒隆
慶年號金牌一十道

廣南府宋時名特磨道儂智高之裔居之元至元立廣南西道宣撫司領路城等五州後來安路奪其路城上林羅佐三州惟領安寧富州二州 本朝洪武中置廣

南府領富州一州

富州

元至元中置富州及安寧州本朝初因之後以安寧州省入

麗江軍民府南詔于此置麗水節度宋時為麼些蠻首蒙醋醋所據元初討平之置茶罕章宣慰司至元中改置麗江路軍民總管府後罷府置宣撫司領一府七州一縣 本朝洪武十年改為麗江府後改軍民府舊領

臨西縣後革領通安巨津寶山蘭州四州

見永寧下

北勝州

蒙氏名善巨郡宋時大理段氏改為成紀鎮元初內附至元中置施州尋改北勝州後升為府

屬麗江路本朝洪武十五年改為州屬鶴慶軍民府後屬瀾滄衛正統間改直隸雲南布政司

順州

唐時地名牛聯為羅落蠻首所據元初內附置順州屬北勝府 本朝改屬鶴慶軍民府

浪蕓州

唐時地名羅共聯羅麼些三種蠻世居之元初內附至元中以羅共聯置浪蕓州屬麗江

路本朝洪武十五年改屬鶴慶軍民府二十九年改屬瀾滄衛

永寧府宋時屬大理段氏元時內附置答監管民官尋

改置永寧州屬北勝府 本朝洪武中屬鶴慶府二十

九年改屬瀾滄衛永樂四年陞為府領刺次和車甸瓦

魯之香羅四長官司

刺次和長官司革甸長官司香羅長官司瓦魯之長

官司

俱永樂年置

通安州

宋時為濮緝蠻麼些蠻所據世屬大理元初置三昧管民官至元中置通安州本朝因

之蘭州

宋時大理段氏始置蘭州元置蘭州屬麗江路本朝洪武十五年改屬鶴慶府後仍

舊寶山州

宋時為麼些蠻所據元初內附名其寨曰察罕忽魯罕至元間置寶山縣尋升為州

本朝巨津州

南詔屬麗水節度元至元間于九賧因之巨津州置巨津州屬麗江路本朝因之

瀾滄衛軍民指揮使司

元為北勝州地本朝洪武中屬鶴慶府二十九年于州南築

置今衛司

領北勝蕞永寧三州永樂四年以永寧州升為府正統六年以北勝州直隸布政司本衛隸雲南

都指揮使司

蕞蕞州

見麗江下世傳其土酋有妻八百各領

八百大甸軍民宣慰使司

一寨因名八百媳婦元初征

之道路不通

而還後遣使招附置八百等處宣慰司本朝洪武二十四年其酋來貢乃立八百大甸軍民宣

慰使司

孟傑路

金泰定三年八百媳婦蠻請官守置水安孟傑二府于其地

曲靖軍民府南詔蒙氏置石城郡宋時大理段氏因之

復為磨彌部所據元初置磨彌部萬戶至元間改中路

後改為曲靖路陞宣慰使領五州七縣本朝洪武中

改為曲靖軍民府領南寧亦佐二縣霑益陸涼烏籠羅

雄四州

南寧

附郭元初于此置千戶所屬磨彌部萬戶至

亦佐

唐以後沒于蠻號夜苴部後訛為亦佐元併入

分越州之屈即村入

陸涼州

下南詔時號落溫部元初置落溫千戶所屬

二縣本朝入芳華

下在州西本河納蔡村本朝

州省入

越州

下在路之南其川名魯望普麼部蠻世居之元

二年改越州

隸曲靖路

羅雄州

下唐時沒于蠻為塔敵納夷甸後名其部曰

州隸曲靖路

馬龍州

下唐以後為盤匏裔納垢部所居元初內附

縣本朝初因通泉

下在州西南與嵩胡州楊林縣

元初為易龍百戶隸馬龍千戶至元十三

雷益州

下唐以後為磨彌部所據元初屬磨彌部萬

縣本朝併三縣及交水

高護軍逐其子孫為私邑憲宗五年內附石梁

部又名伍勒部其酋世為巫居羅山

續文獻通考

澂江府下治在滇地東南唐屬牂州隸黔州都督府開

元中降為羈縻州今夷中名其地曰羅伽甸初麼些蠻

居之後為焚蠻所奪南詔蒙氏為河陽郡至段氏麼些

蠻之裔復居此甸號羅伽部元憲宗四年內附六年以

羅伽部為萬戶至元三年改萬戶為中路十六年升為

澂江路領縣三州二州領縣三 本朝洪武十七年改

為澂江府領新興路南二州江川河陽陽宗三縣

河陽

下內附後為千戶至元十六年為河江川下在

路南星雲湖之北蒙氏叛唐使白蠻居之至段氏些

麼徙蠻之裔居此城更名步雄部其靈景內附即本

部為千戶所至元中又改千戶為江陽宗 下在本縣

川州二十年復降為縣 本朝因之

之南皆麼些蠻居之號曰強宗部其酋長盧舍內

附立本部千戶至元十三年改為縣 本朝因之

新興州 下漢新興縣唐為羈縻州蒙氏為温富州段

元十三年改新興州隸澂江路領二縣 普舍下在州

本朝併以研和普舍省八屬澂江府

有強宗部蠻之裔長曰部傍據普具龍城次曰普舍

據普扎龍城二城之西有曰城漢人所築二酋屢爭

其地莫能定善舍孫直厠內附立部為千戶十

路南州

下州在本路之東夷名路甸有城曰撒呂黑

部憲宗朝內附即本部立萬戶至元并蒙羅迦未迷

江路落蒙為路南州隸激江路
至元十三年
即邑市彌至

二城立邑市縣彌沙等五城立彌沙縣
二十四年併彌沙入本縣隸路南州

尋甸軍民府古滇國地在蒙氏為尋甸段氏改仁德部

元至元初置仁地萬戶府後改仁德府領為美歸厚二

縣 本朝洪武中改尋甸軍民府以二縣省入

為美

下縣治在府北地名湓浦適呂駁甸即仁石六
十双地故鄉至元二十四年置縣 本朝省入

府 歸厚

下縣治在府西北地名易浪浦龍舊隸仁地
部至元二十四年分立二縣曰倘俸曰為美

二十五年改倘俸曰
歸厚 本朝省入府

臨安廣西元江等處宣慰司兼管軍萬戶府

臨安府宋時大理段氏改為通海節度又改秀山郡尋

復為通海郡其後蠻酋互相侵奪或屬善闡或屬阿燹

元初置阿燹部萬戶至元初改置南路尋改臨安路領

三州一千戶四縣郭 本朝洪武中改為臨安府領建

水石屏阿迷寧州四州通海河西嶧峨蒙自四縣納

樓教化玉弄虧容溪處思陀左能落恐安南九長官

司

河西

下唐復沒于蠻名其地曰休臘置
河西州後改為縣 本朝因之

蒙自

初在段氏阿燹蠻居之元憲宗七年立千戶隸
阿燹萬戶至元十三年改阿燹萬戶隸臨安路

以本千戶為縣本
朝因之戶一十五里

阿迷州元大德中隸廣西元江等處宣慰司本朝立為州

安南長官司舊名褒古後名捨資本阿樊所居地元置捨資千戶後以其地近交趾改安南

道防送軍千戶屬臨安路
本朝改長官司屬大理府

建水州附郭段氏時為些麼蛮直屬所據元初內附置建水千戶樊萬戶至元中改為州

屬臨安路
本朝因之
溪處甸思陀甸落恐甸虧容甸俱見元江下

石坪州宋時阿樊蛮奪據之闢地得石坪方五里聚為居邑因名石坪邑元至元中改邑為州

本朝改為
石屏州

寧州唐以後屬樊蛮改寧部元初置寧部萬戶後改寧州府至元中改寧州復以西沙縣省入本

朝因
之
納樓甸教化三部左能寨玉弄山俱見大理府下

通海元初置通海千戶屬善闡萬戶至元中改為縣屬寧海府府廢改屬臨安路為附郭本朝徙

府治建水州
縣仍隸焉

嵎峨下唐以後併于阿樊元初置嵎峨千戶屬阿樊萬戶至元中改為州後降為縣割隸寧州本

朝改屬
臨安府

廣西府下東爨烏蠻彌鹿等部所居唐為羈縻州隸黔州都督府時有師宗彌勒二部內附因籍為軍立廣西路十八年復為民領州二 本朝改為廣西府領師宗

彌勒維摩三州

師宗州 下在路之東南昔爨首逐獠爨等居之元至十二年立為千戶十八年復為民二十七

年改為州本朝因之

彌勒州 下在路南昔些麼徒蠻之裔彌勒得郭甸巴

年為千戶十八年復為民二十七年改為州本朝因之

維摩州 元立維摩千戶隸阿迷萬戶至元中以本部為千戶總把領維摩屈中二千戶隸廣西路

後改維摩州本朝因之

元江軍民府南詔蒙氏以屬銀生節度又開威遠等處

置威遠朕宋時為些麼徒蠻所有元時內附置元江萬

戶府後于威遠更置元江路領馬籠步日等部屬臨安

廣西元江等處宣慰司 本朝洪武中改元江府永樂

初改元江軍民府領長官司一

因遠羅必甸長官司 附郭舊名羅槃甸元江路本朝置長官司

步日部 在本路之西蒙氏立此甸徙白蠻鎮之名步日賧

新化州 本馬龍他郎二甸阿楚諸部蠻自昔處之元初內附立為二千戶所屬寧州萬戶府至元間以

馬龍等甸管民官併于他郎甸置司屬元江路 本朝初改名馬龍他郎甸長官司後升為新化州隸雲南布

政司

者樂甸長官司 本馬龍他郎猛摩之地夷名者島本朝洪武末分置長官司隸雲南布

政司

溪處甸長官司

舊溪處甸部元置軍民副萬戶隸雲南行省後屬元江路本朝改長官

司屬臨安府

思陀甸長官司

舊為官桂思陀部元置和泥路隸雲南行省後屬元江路本朝改長官

司屬臨安府

落恐甸長官司

舊為併溪落恐部元置軍民萬戶隸雲南行省後屬元江路本朝改長官

官司屬臨安府

虧容甸長官司

舊鉄容甸部元屬元江路本朝改長官司屬臨安府

鎮沅府南詔蒙氏為銀生府之地後金增曰夷侵奪其

地元初內附屬威遠州後置案板寨屬元江路本朝

洪武末改置鎮沅州永樂初陞為府領祿谷長官司一

祿谷寨長官司

本朝永樂十年置在府城東北二百五十里

大理金齒等處宣慰司都元帥府

元置

大理府上段氏號大理國元初立上下二萬戶府至元

間改置大理路領二府五州四縣本朝洪武十五年

改路為府領趙鄧川賓川三州雲南浪穹新平三縣

太和

附郭元立太和城千戶所至元間置理州及河東縣後省州改縣曰太和屬大理路本朝因之

趙州雲南鄧川州浪穹

見永昌後

賓川州

本朝弘治六年置

十二閑長官司 本雲南縣楚場地元至正間因僻險始置十二閑防送千戶所本朝改

置長官司屬大理府

阿寧萬戶府 元置屬南路總管府大德中直隸臨安廣西元江等處宣慰司本朝立為阿

迷州改屬臨安府

納樓茶甸長官司 蒙氏為茶甸元置千戶屬阿寧萬戶後分為二千戶屬雲南行省又

改納樓茶甸本朝改長官司屬臨安府

教化三部長官司 元為強現二部隸臨安等處宣慰司後屬強現四部本朝改長官

司屬臨安府

左能寨長官司 舊為思陀甸寨本朝置長官司隸臨安府

玉弄山長官司 元為大小二部本朝改長官司隸臨安府

永昌軍民府南詔蒙氏段氏高氏俱為永昌府元初于

永昌立三千戶所隸大理萬戶府至元間置永昌州尋

陞為府隸大理路及置金齒等處宣撫司治此領永平

一縣本朝洪武十五年仍置府又立金齒衛至二十

三年省府以金齒衛為軍民指揮使司嘉靖中改為永

昌軍民府領騰越新化二州保山永平二縣長官司二

保山 附郭宋時大理屬永昌府元初立永昌千戶所本朝改置保山縣

永平 宋時大理因南詔為勝鄉郡元初廢郡立永昌千戶所後復為永平縣本朝因之

騰越州 宋時大理段氏因蒙氏屬軟化府元置騰越州尋省本朝舊為騰衝軍民指揮使司嘉

靖三年改置騰越州屬永昌軍民府新化州見元

鳳谿長官司 本元永昌府地本朝洪武二十三年置今司

施甸長官司 元至元間置石甸長官司後訛為施甸本朝因之

鎮道安撫司

楊塘安撫司 俱屬永昌衛沿革未詳

騰衝軍民指揮使司 蒙氏置軟化府白蛮改騰衝府元改騰越州及置騰越縣尋復騰衝

府仍治騰越縣後以順江州及騰越甸古湧三縣省入屬大理路本朝因之洪武末改騰衝守禦千戶所

隸金齒軍民指揮使司正統間升軍民指揮使司後改騰衝衛指揮使司隸雲南都司

大古刺軍民宣慰使司 古南宋本朝所立南甸宣撫司其地也正德中始置

鄧川州 下在本路北夷有六詔遼暎其一也唐置

之元憲宗三年內附七年立德原千戶至元浪穹本

十年改為鄧川州領浪穹一縣本朝因之

名彌茨乃浪穹詔所居之地唐初其王鐸羅望與南詔戰不勝保劍川更劍浪貞元中南詔破之以浪穹

施浪鄧睽搃三浪為浪穹州元憲宗七年內附立浪

穹千戶隸大理上萬戶至元十一年降為縣隸鄧川

州本朝併鳳翔縣入浪穹

蒙化府蒙氏初號蒙舍城後改蒙舍城為陽瓜州段氏

改開南縣元初置蒙舍千戶至元間改蒙化府尋陞為

路後復降為州屬大理路本朝仍為州屬大理府正

統間復陞為府領雲龍一州雲龍州即雲龍甸

趙州 下昔為羅越蠻所居地蒙氏立國有十賧趙州其一也夷語賧若川皮羅閣置趙郡閣羅鳳改為州段氏改天水郡元憲宗七年立趙賧千戶隸大理下萬戶至元十一年改為州又于白崖賧立建寧

縣二十五年縣革八州隸大理路本朝因之領雲南一縣

姚安軍民府宋時段氏改楛棟府曰姚州唐以其民多

姓姚故名元初立統矢千戶至至元間改置姚州屬大

理路天曆間陞姚州路領大姚一縣 本朝改路為府

後改為姚安軍民府領州縣一

大姚 夷名大姚堡元初置千戶所至元間改大姚縣屬姚州本朝改今屬

姚州 附府

雲南縣 下唐以漢雲南縣置郡蒙氏至段氏並為雲南州元初立品甸千戶所至元十一年仍為

雲南州後降為縣隸大理本朝改隸趙州大

蒙憐路軍民府 至元二十七年從雲南行省請以蒙憐甸為蒙憐路軍民

為蒙萊路軍民總管府其餘闕

蒙萊路軍民府 闕沿

金齒等處宣撫司 其地在大理西南蘭滄江界為金齒白夷諸酋各遣子孫朝貢因立安撫司以統之至元

八年分金齒白夷為東西二路安撫使十二年改西路為建寧路東路為鎮康路二十二年罷

兩路宣撫司併入大理金齒等處宣撫司

柔遠路 舊名怒江 治怒江 隸金齒等處 宣撫司後為麓川宣

慰司所據 本朝改為柔遠府 後置潞江 長官司永樂九年升安撫司 隸永昌衛

茫施路 西其地曰奴謀曰大拓 朕曰小拓 朕即唐茫 施也 中統初內附 至元十三年立為路 隸

宣撫司 本朝洪武十五年置茫施 府正統九年改置茫市長官司

鎮康州 在柔遠路之南 蘭江之西 其地曰石朕亦黑 焚 所居 中統初內附 至元十三年立為路 隸宣撫

司 本朝洪武十七年改為 為鎮康府 十七年改為州

灣甸州 在柔遠路正西 東隣麓川 其地曰于賴 朕曰 本朝洪武十七年置灣甸州

鎮西路 渠瀾 朕曰白夷 蠻居之中 統初內附 至元十三 年立為路 隸宣撫司 領二甸 本朝洪武十五年

改為鎮西府 後為千崖長官司 正統間升宣撫司

平緬路 北近柔遠路 其 朕曰羅必四庄 曰 沙摩弄曰驃朕 之中統初內附 至 元十三年立為

路 隸宣撫司

麓川宣慰司 在茫施路東 其地曰大布茫 曰朕頭 曰朕中 彈吉曰朕尾 福祿塘皆白夷所居

中統時內附 至元十三年立為路 隸宣撫司 本 朝洪武中置麓川平緬宣慰司 尋革後復置

隴川宣撫司 即麓川地 本朝洪武十七年置 司 正統 三年其土酋思任發叛 大軍平之 十一年

置隴川宣撫 司于龍把

大侯州 蠻名孟祐 白夷所居 元中統初內附 屬麓川路 本朝洪武二十四年置大侯長官司 後改為

州

千崖宣撫司 地名千賴 朕曰渠瀾 朕曰白夷 居之 元中統 初內附 至元中置鎮西路 軍民總管府 領

二甸 本朝洪武十五年改為鎮西府
後為干崖長官司正統間升為宣撫司

木邦軍民宣慰使司 舊名孟都一名孟邦元至元二十
六年立木邦路軍民總管府領三

甸 本朝洪武十五年改木
邦府後改軍民宣慰使司

孟定府 舊名景麻至元二十六年改孟定路軍民總管
府領二甸隸大理金齒等處宣慰使司 本朝

洪武十五年
改置孟定府

孟良府蠻名孟指 本朝永樂四年來歸附始置府

南甸宣撫司 舊名南宋元至元中置南甸路軍民總管
府領三甸隸大理金齒等處宣慰司 本

朝洪武十五年改南甸府永樂十二
年改南甸州正統八年升宣撫司

六難路甸軍民府

陋麻和管民官

雲龍甸軍民府 舊雲龍甸元至元末立雲龍甸軍民
總管府隸雲南行省 本朝改雲龍

州隸大理府正統
間改屬蒙化府

縹甸軍民府

二十四寨達魯花赤

孟隆路軍民府

木朶路軍民總管府 至元十三年以金齒木朶甸戶
口增置立下路總管府其為長

給兩珠
虎符

金齒孟定各甸軍民官

孟愛等甸軍民府 至元二十一年金齒新附孟愛甸首長遣其子來朝即其地立總管

軍民府

蒙兀路

通西軍民總管府 大德元年蒙陽甸首領緬吉納款遣其弟阿不刺等赴闕進方物及

歲貢銀千兩置郡縣驛傳遂立通西軍民府

木來軍民府 至元二十九年擬立為木來路中書省已奏置散府

鈕兀長官司 蠻名也兀自古不通中國本朝宣德七年始歸附置鈕兀長官司

底馬撒軍民宣慰使司 沿革未詳

蠻莫長官司

猛臉長官司

猛養長官司 俱萬曆十三年置沿革未詳

孟璉長官司

芒市長官司 即柔遠路南茫施路

茶山長官司

麻里長官司 沿革前無考俱本朝置

猛密宣撫司 舊為安撫司隸灣甸州本朝萬曆十三年改隸布政司

老撾軍民宣慰使司 俗呼曰撾家自古不通中國本朝永樂二年其酋備方物入貢始

置老撾軍民宣慰使司

順寧府本蒲蠻之地名慶甸宋以前不通中國雖蒙氏段氏亦不能制元泰定間始內附天曆初置順寧府并

置慶甸縣 本朝洪武十五年仍置府以慶甸省入

緬甸軍民宣慰使司 古西南夷其地有江頭太公馬來安正國蒲甘緬王五城元至元中

屢討之後于蒲甘緬王城置邦牙等處宣慰使司本朝洪武二十九年始歸附立緬甸軍民宣慰使司

猛密 孟養

猛密者本邦宣慰司部落也木邦自國初納款授官與

八百緬甸車里孟養諸酋兢強鼎立而猛密有寶井為

木邦利府陶猛司歪領之陶猛者猶華言頭目也宣慰

使罕標以其女曩罕弄妻司歪罕標死孫罕窆立嗜酒

好殺曩罕弄遂以猛密叛然猶未敢公侵木邦也 成

化初南寧伯毛勝守雲南墨猛密寶石許得自貢不開

木邦太監錢能尤婪索無厭曩罕弄遂怙勢縱橫畧地

自廣十六年太監王舉索寶石猛密曩罕弄罵不與舉

遂疏猛密叛木邦罪請征之曩罕弄大懼時大學士萬

安倖用事而周賓五者江西人也逋猛密謂曩罕弄曰

無憂萬閣老貪聞天下又得權結昭德宮與萬皇親

最厚若遣人齎重寶投之不止不征且必授官比木邦

矣曩罕弄從之遣人多齎金寶投安安許之召職方郎
中劉大夏啖以美遷俾往撫處大夏辭曰其愚懦不任
使安遂舉都御史程宗往以意授宗宗唯唯至雲南時
巡撫都御史吳誠宗同年也言不可宗大怒曰萬公甚
噉汝敢復忤之誠憂懣不知所謂發疾卒宗乃率鎮守
及三司往撫猛密曩罕弄出迓會曩罕弄所遣安使
歸已悉安意旨益踞傲不見宗且曰我見都堂須坐講
宗許之復曰我不得遠涉瀕都堂過自就我宗不得已
至南牙山就見曩罕弄坐定互講良久曩罕弄曰我猛

密之於木邦猶大象之孕小象也今小象長成軀倍大
象矣寧能復納大象腹中乎宗曰然遂以所畧木邦地
界之為設安撫司以司至子孫世襲其職木邦人訴辯
宗宗輒答辱之曰朝廷畫土分封汝寧得專耶狀聞萬
安大喜遂以宗巡撫雲南尋遷刑部尚書曩罕弄既立
遂盡奪木邦之地罕窆奔猛止由是益養諸番大不平
遣大陶猛倫索提兵衛罕窆聲言必滅猛密會 敬皇
帝即位安宗斥罷按察副使林後復稍稍割猛密地還
木邦曩罕弄懼不敢逆命遂與木邦並立世讎殺矣孟

續文獻通考
養故宣慰使司也。正統初宣慰使刀賓王昏懦不能
填輯諸夷部下貴姓酋思仁遂擁衆麓川叛孟養畧取
其地刀賓王奔永昌死無子思仁益張遂屠騰衝據潞
江自稱曰法法夷王號也事聞。睿皇帝命黔國公沐
晟左都督方政右都督沐昂往征之師次潞江思仁遣
其將緬檢江守我軍不得渡先是刀賓王嘗遣思仁質
晟府晟兒子畜之廼遣使諭降思仁思仁陽許諾以故
晟無渡江意緬檢數挑戰益急政不勝憤欲攻之晟不
許政獨率麾下夜半渡江擊緬檢走之察勝逼思仁

上江頃之夷兵烏集政以旗牌取救于晟晟不遣曰渡
江非我使也左右力諫晟乃以少兵往復逗遛政知晟
無援意遂遣其子瑛過江還曰汝急歸吾死今日矣瑛
叩首泣請同歸政拔劍叱之曰無多言將官死分也遂
策馬馳夷兵馬躡夷兵攢刺為泥一軍皆沒無子遺者
晟聞敗遂燒江上積餉披氍裘雜衆奔永昌布政使應
履平按察使賴巽以狀聞。上遣使者問罪晟自知不
免乃遣人語使者曰吾主將也失律喪師不敢移罪他
乞無問遂以冷水啖酥餅發病卒時廷臣皆以麓川稱

續文獻通考
據以來國家芻糧之費百千萬士馬死者無慮數萬宜
放棄徼外以甦吏民 上猶未決太監王振方寵倖用
事力勸 上征之 上乃遣兵部尚書王驥定西伯蔣
貴益發湖廣四川廣西貴州及京營軍一十二萬往擊
思仁敗之思仁走緬甸驥遂割思仁所畧孟養地畀緬
甸構思仁緬甸斬思仁縛其子思機歸驥送京師斬之
緬甸以其子銀起莽居守孟養頃之麓川夷復擁思仁
少子思祿攻銀起莽敗之復有孟養之地驥等慮師老
餉道益艱賊終不殄滅遂約思祿許得部勒諸夷居孟

養如故復與立石畫金沙江為界誓曰石爛江枯爾乃
得渡思祿懼聽命乃班師以捷聞論功以王振從子一
授錦衣衛指揮僉事驥封靖遠伯貴進定西侯以死事
功贈政攻遠伯謚忠毅晟定遠王謚忠敬晟政之敗
四年驥征始九年訖十三年乃罷思祿雖無官其豪僭
夷中無異王者 成化中太監錢能鎮守雲南大墨子
諸夷思祿乃以祖母祿帶及諸珍物餌能能召見設飲
食親以相對思祿稍稍縱橫 弘治初 詔以金牌信
符給徼外土酋時猛養宣慰司廢除久矣兵部偶忘之

以舊號頒給思祿遂以牌符號召諸夷曰天朝復官立我諸夷信之遂畧取旁小邑自廣會猛密叛木邦事久不平叅政毛科者素輕脫以平猛密自任或言須孟養兵乃可科遂檄兵思祿思祿輕科欲不與則憤猛密叛木邦得官與之則見弱乃以羸兵數千應科攻猛密猛密笑曰毛官人欲以孟養殺我我姑以一命兌之遂介馬來衝孟養兵原無鬪志大敗猛密設伏邀擊殲什七八科僅以身免思祿大怒遂違誓渡金沙江攻猛密取蠻莫等十七寨時都御史金獻民巡撫雲南聞變欲劾

科科以計解尋稍謫貴州按察司副使思祿既違誓渡江遂不可制大學士謝遷科同鄉也科復挾遷勢于獻民復奏舉科曰臣聞使功不如使過撫治孟養非科不可朝議許之復以科為雲南按察副使科遂勸獻民請兵大舉上不許會思祿亦遣人奏言絕域小醜本無叛情第為隣惡誑誤以干天法願入蠻莫十寨贖罪得比米魯乞以一子為土官復宣慰如故大學士劉健欲許之以為思祿有官猶可制即無官其僭自若也不如因而官之遷復以科故勸劉公弗許思祿遂據孟養而

自立

按猛密孟養之亂譬諸蔓草樹以中官而灌以閣輔日
益滋長雖欲芟刈不可得矣麓川之役舉朝皆以為非
謂王振專權逞忿而李文達公亦言麓川初叛不委晟
而遣別將遂致喪師此皆失實潞江致敗晟實罪魁第
朝議以晟元勲之裔關土安南有功復畏法引慝自殞
得蒙贈諡亦已幸矣思仁抗王師殲大將釋而不誅辱
國益甚振之罪惡通天若主征麓川義正言順不可非
也三原王公撰忠敬王廟碑其言亦與文達畧同溢美

文過為家狀所蒙第未知國史所傳竟何稽也

滇南始末

滇南未通中國之先有低牟苴者居永昌哀牢之山麓

今金

齒地有婦曰沙壹浣絮水中觸沈木若有感是生九男曰

九隆族種類滋長支裔蔓衍竊據土地散居谿谷分為
九十九部其渠酋有六各號為詔夷語謂詔為王其一

曰蒙舍詔

今蒙化府

其二曰浪施詔

今浪寧縣

其三曰鄧賧詔

今鄧

州其四曰施浪詔

今浪寧縣

其五曰摩娑詔

今麓江府

六曰蒙雋詔

今建昌

兵埒不能相君長至漢有仁朱時九

隆八族之四世孫也强大居昆彌川今白崖定西嶺傳十七世

至龍祐那 蜀漢建興三年諸葛武侯南征雍闓師次

白崖川獲闓斬之封龍祐那為首長賜姓張氏割永昌

益州地置雲南郡于白崖諸夷慕武侯之德漸去山林

徙居平地建城邑務農桑諸部于是始有姓氏龍祐那

之十六世孫曰張樂進求遜位于蒙氏考其時蓋唐世

也張氏或稱昆彌國或稱白國或稱建寧國其年系莫

可推詳

蒙氏始興曰細奴羅九隆五族牟苴篤之三十六世孫也

耕于巍山之麓數有神異孳牧繁息部衆日盛代張氏

立國號曰封民蒙氏偽稱南詔實唐貞觀三年也遷居

瓏玕圖山今蒙化及高宗時遣子八侍朝命授細奴羅以

魏州刺史死偽謚高祖又稱奇王子羅晟嗣

羅晟僭立當高宗上元元年至睿宗景雲中姚州蠻先附

吐蕃御史李師古請兵擊降之築城置州縣重稅賦因

誅其豪雋掠其子女為奴婢羣蠻怨怒引吐蕃攻知古

殺之于是姚雋路絕晟猶奉唐正朔死偽謚世宗子晟

羅皮嗣

晟羅皮之立當玄宗先天元年立孔子廟于國中死謚威成王子皮羅閣嗣

皮羅閣之立當玄宗開元十六年受唐冊封為雲南王賜名歸義于是南詔浸强大而五詔微弱皮羅閣因仲夏二十五日祭先之期建松棚為樓以會五詔宴醉後羅閣佯下樓擊鼓舉火焚樓五詔遂滅閣賂劍南節度使求合五詔為一朝廷許之于是盡有雲南之地因破吐蕃卒為邊患不可復制既併五詔乃卜太和形勝左洱水右蒼山山海之交結于子午遂築太和城自蒙舍徙

居之立上下二閔曰龍首曰龍尾連陷遼順永昌石鼓沙追朕龍去朕後遣其孫鳳伽異入朝唐授鴻臚少卿妻以宗女賜樂一部南詔于是始有中國之樂死子閣羅鳳嗣

閣羅鳳之立以天寶八年故事酋長謁督督偕妻子行鳳挈家至雲南太守張乾陀皆私之復多徵求鳳怒反攻雲南殺乾陀取夷州三十二陷雋州獲唐西瀘令鄭回拜清平官即其國丞相也天寶十年夏四月庚寅劍南節度使鮮于仲通命將致討鳳伽異及段儉魏逆戰于西洱河

唐兵死者六萬人仲通僅以身免封儉魏為清平賜名
 段忠國以旌之遂臣于吐蕃吐蕃封之為東帝刻碑國
 門之外明叛唐非得已也僭國號曰大蒙始建年號曰
 贊普鍾十三年劔南留後李宓將兵擊之為蒙氏所誘
 全軍沒焉唐益發兵竟不能克前後死者二十萬人南
 詔自是始與中國隔絕矣代宗大曆十四年死偽謚神
 武子鳳伽異未嗣而死孫異牟尋立僭改元贊普牟尋
 以唐代宗大曆十四年嗣 有智教善撫衆居史城史城
 今喜州也連兵吐蕃入寇唐神策都將李晟擊破之異牟尋

懼改城牟賧苴咩今大理自稱曰 東王

僭封五嶽四瀆并立祠三皇廟春秋致祭以國界內點

蒼山為中嶽東州界江雲露松外龍山為東嶽在今勸州一

名絳雲露山一名雲龍山自十 銀生部日界蒙樂山為

南嶽在今者樂甸又名無量山其山千仞有永昌騰越

界高黎共山為西嶽在今騰衝一名崑崙隅東臨濃江

草卉貫四序不凋瘴氣最惡冬雪至春方融夏秋穹甸

炎熾商賈愁怨為之謠曰久時欲歸來高黎共上雪夏

秋欲歸來無奈穹甸熱春 麗江界玉龍山為北嶽在今

一名聳雪山其山九峯雪貫四時玉立萬仞以魚惠江

瀾滄江潞江麗江為四瀆接點蒼之顛添洱河之水立
官號曰九爽三托其地東至于銅柱鉄橋蟠桃王榆東
南至于交趾南至于驃國木落山西至于大石西北至
于吐蕃北至于神州東北至于黔巫八方之地屬以八
演從中國教令都曰苴咩別都曰善闡皆中國降人為
之經畫也德宗貞元三年鄭回說以大義令復歸唐異
牟尋然之會西川節度使韋臯招撫羣蛮尋因求內附
而猶結好吐蕃臯乃為書遺尋叙其歸化之誠轉至吐
蕃吐蕃疑之異牟尋歸附之志益堅九年上表請絕吐

蕃復臣于唐十年自將數萬人襲吐蕃大破之遣其弟
獻圖納貢及吐蕃所頒金印請復號南詔唐以其功遣
使冊之賜銀窠黃金印王北面跪受之宴使者出玄宗
所賜器物指老笛工歌女曰皇帝所賜龜茲惟二人在
耳使者曰南詔當深思祖考子孫勿替盡忠皇唐對曰
敢不敬使者之命死偽謚孝桓改元二

見龍
主元

子尋閣勸

嗣

尋閣勸以唐德宗貞元十五年立死子勸龍晟立

偽謚孝
文改元

應道

勸龍晟以唐永貞元年立淫虐不道其臣蹇顛殺之而立其勸利晟謚曰幽改元龍興
勸利晟以唐憲宗元和元年立死偽謚靖王子晟豐祐立改元全義

晟豐祐以穆宗長慶四年立趨敢善用其下文宗太和三年西川節度使杜元穎不恤士卒有流入蠻境者蠻衣食之由是盡得蜀之虛實與其臣蹇顛遂謀入寇以蜀卒為鄉道襲陷邛戎雋三州引兵徑入成都取諸經籍大掠子女工技數萬人及珍貨而還南詔工技文織自

是與中國埒矣豐祐乃遣使上表請罪元穎朝廷以李德裕代之德裕保障有方索南詔所掠百姓得四千人豐祐死偽謚昭成子世隆立改元二保和天啟

世隆之立以唐武宗會昌十三年初韋臯開蜀清溪道以通羣蠻入貢又選子弟聚之成都教之書數以羈縻之而軍府不時給其餼需南詔因是不肯入貢及世隆立朝廷以其名同玄宗諱不行冊禮諭令更名謝恩然後遣使會世隆寇雋州事遂寢世隆乃僭稱皇帝懿宗咸通三年西寇安南四年寇交趾殺虜幾十五萬人留兵

二萬使其將楊思播據之谿洞夷獠皆降五年寇邕州
敗還七年節度高駢使大破之復定交趾十年世隆傾國
入寇陷犍為及黎雅嘉三州十二年進攻成都不可引
還僖宗乾符元年復寇西川陷黎州入寇邛崃閔勝負
不常二年攻雅州聞高駢改西川遣使請和駢發兵追
至大渡河殺獲甚衆擒其酋長數十人四年復寇越鴛
死於景淨寺自世隆嗣立以來為邊患殆二十年中國
為之虛耗而其國亦敝偽謚景莊皇帝子隆舜嗣改元
建極

隆舜

通鑑作法誤也南詔名皆父子
相承世隆之子曰隆舜近是

之立以僖宗乾符四

年性好畋獵酣宴委國事于其臣是歲請和許之又迭
請和親廣明元年遣宗正少卿李龜年充使中和元年
上表款附三年以宗室女妻之後內嬖失道為豎臣楊
登所弑偽謚宣武子舜化真嗣改元二貞明嗟耶

舜化真之立以唐昭宗乾寧四年改元中興上書于唐唐
欲報以詔王建言小夷不足辱詔書臣在西南彼何敢
犯塞從之立四年其臣鄭買嗣奪之而滅其國追謚孝
哀蒙氏自細奴羅至舜化真十有三世立三百十年而

為鄭氏

鄭買嗣本唐鄭回之後世為蒙氏清平唐昭宗光化五年
既滅蒙氏而自立改國號曰大長和改元曰安國死偽
諡德桓子旻嗣立攻蜀黎州王建發州大破之俘斬數
萬級溺死數萬人求婚于南漢漢主以會城公主妻之
改元五曰始元曰天瑞景星曰安和曰貞祐曰初曆死
偽諡肅文子隆亶嗣立改元天應未幾為東川節度使
楊于真所殺鄭氏三傳歷年二十有六而為趙氏
趙氏名善政為封氏清平楊于真既殺滅鄭氏遂拔善政

而立之後唐明宗之天成三年也改國號曰大天興立
僅十月于真又奪之而為楊氏

楊氏名于真既奪趙氏而有蒙國改號曰大義寧改元曰
尊聖貪虐無道中外咸怨通海節度使段思平興師問
罪于真不能禦走死楊氏立僅二年而段氏興焉

段氏之先武威郡人有名儉魏褚佐蒙氏有功賜名忠國
擢清平官六傳而生思平思平生有異兆楊于真忌之
使人索捕思平逃匿得竒戟于品甸波犬村又得神驥
于業鏡湖在雲南縣正南飢摘野桃剖之核膚有文曰

青昔思平拈之曰青乃十二月昔乃二十一日今楊氏
政亂吾當以是日舉義乎遂借兵東方黑爨松爨三十
七部皆助之衆至河尾是夕思平夢人斬其首又夢玉
瓶耳缺又夢鏡破惧不敢進兵其軍師董迦羅曰三夢
皆吉兆也公為大夫夫去首為天天子兆也玉瓶去耳
為王王者兆也鏡中有影如人有敵鏡破則無影無影
則無敵矣三夢皆吉兆也思平乃決明旦引兵欲渡莫
知所從見江尾一婦人被瓔而浣者指曰人從我江尾
馬從三沙矣爾國名大理從之得濟遂逐楊氏而有蒙
國遂改國號曰大理改元曰文德時後晉天福二年也
死偽謚大祖傳子思英立未幾死偽謚文經武畧皇帝
國人立其叔思良思良以後晉開運三年改元致治死
偽謚 傳于思聰

思聰以後周廣順三年立改元三曰明德廣德聖德死偽

謚 傳于素順

素順于思聰
未知何屬

素順以宋太祖建隆四年立時王全斌既平蜀欲因兵威
取滇以圖進于上太祖鑒唐之禍基于南詔以玉斧畫
太渡河曰此外非我有也由是雲南三百年不通中國

段氏得以晚臨焚燹以長世焉十七年改元明正死偽
謚應道皇帝傳于素英

素英以宋太宗雍熙二年立改元五曰廣明明應明聖明
德明治死偽謚昭明傳于素廉

素廉以宋真宗祥符二年立改元二曰明啟乾興死偽謚
敬明傳于素隆

素隆以宋天禧二年立改元曰明通天聖避位為僧死偽
謚秉義傳于素貞
素貞以宋仁宗天聖四年立改元正治死偽謚聖德傳于

素興

素興以宋慶曆元年立改元二聖明天明以無道國人廢
之而立思廉

思廉以宋慶曆四年立皇祐中廣西儂智高掠廣州敗走
大理狄青募死士使大理求之會智高已死于大理函
其首至京師段氏至是始聞名于中國思廉立三十一
年改元三曰保安政安政德死偽謚世宗傳于連義
連義以宋熙寧八年立改元二曰上德廣安為其臣楊義
貞所弑楊義貞纂立偽號廣安皇帝凡四年段氏臣岳

侯高智昇遣子昇大起東方兵討滅之而立段壽輝

壽輝

連義之從子

壽輝立二年改元曰上明傳子正明

正明以宋元豐五年立改元三曰保立建安天祐避位為僧時國人皆歸心高氏遂奉高昇太為主而段氏中絕

大理段氏

高昇大有功段氏為國人所立以宋哲宗之元符二年立改國號曰大中國改元上治臨終屬其子大明曰段氏不振國人推我我^得不己從之今其子已長可還其故物爾後人勿效尤也大明遵其遺言求段氏餘子正淳立

之而段氏復興號曰後理國高氏世相之賞罰政令皆由之國人稱為高國主波斯崑崙諸國來貢大理者皆先謁相國焉

正淳復國改元天授以高太明為相高太連為柵主遣太連朝宋求經籍得六十九家立三十年再改元曰開明文安避位為僧傳子正嚴死偽中宗^諡

正嚴以宋徽宗大觀二年立四十年改元四曰日新永嘉保天廣運避位為僧傳子正興死偽謚憲宗

正興以宋高宗紹興十七年立改元四永貞太寶龍興盛

明避位為僧傳于智興死偽謚景宗

智興以宋孝宗乾道八年立改元五曰利貞盛德嘉會元

亨安定死偽謚宣宗傳于智運

智運以宋寧宗慶元六年立改元鳳曆死偽謚享天傳弟

智祥

智祥以宋寧宗開禧元年立改元天開仁壽死偽謚神宗

傳于祥興

祥興以宋理宗嘉熙三年立改元道隆甲辰元兵攻之高

來逆戰敗死宋遣使祭之祥興死偽謚孝義傳于興智

興智以元憲宗元年立改元天定壬子歲元忽必烈將兵

擊之分三道進自臨洮經行山谷二千餘里浮金沙江

以革囊濟進薄大理興智及高太祥拒戰力屈興智奔

善闡太祥就擒不屈斬于五華楼下時白日當午忽雲

起雷震世祖異之曰忠臣也遂虜興智滅其國段氏自

思平至興智二十二主歷三百五十年

元既滅段氏而有其地得五城八府蛮郡三十有七設大

理都元帥府仍錄段氏子姓世守其土赦興智封為摩

訶羅嗟管領八方興智死元季亂中原多故段氏復據

之于是有十一總管出焉

一代總管曰信苴段實元中統二年入覲世祖嘉之賜璽

書令總管大理善闡會州建昌永昌騰越諸郡以功累

授行省叅政以攻右城

今曲靖

及仁德府

今尋甸

功錫虎符

為總管

二代總管信苴段忠至元中隨元帥伐西林破會川通善

闡平休武林定緬甸之役皆有功授金齒宣慰兼掌軍

民萬戶府

三代總管信苴段慶元封為宣武將軍妻以公主入朝歸

授雲南省叅政

四代總管信苴段正

五代總管信苴段隆

六代總管信苴段俊

七代總管信苴段義

八代總管信苴段光時元大德中中原板蕩梁王以元宗

室鎮善闡與段民分域構隙至大二年梁王大破光兵

光將高蓬守羅那閔梁王密招之不從乃賂蓬庖人刺

蓬以其首獻梁王王并庖人戮之

九代總管段功初襲爵為蒙化知府至正十二年繼立為
總管癸卯明玉珍自楚入蜀據之分兵四掠號曰紅巾
明玉珍自將紅巾三萬攻雲南梁王及憲司官皆奔威
楚諸部悉亂功謀于員外楊淵海淵海卜之吉乃進兵
至呂閣敗紅巾于閔灘江殺獲千計紅巾收合餘眾再
戰復勝殺段氏驍首鐵萬戶紅巾屯古田寺段氏夕潛
火其寺紅巾軍亂死者什七八又追至回磴關大敗之
紅巾大呼曰待明年來復仇時功在戰間得玉珍母寄
其二書曰爾征南務得之不得輕還軍少糧乏我當添

補楊淵海效其書跡易之曰中國兵來急爾宜早歸遂
募能入紅軍營者有小卒陳惠願行玉珍得書恐國中
有變又新失利遂急收軍功追之至七星關又勝之而
還紅巾既退梁王深德段功以女阿禧妻之為之奏授
雲南平章功自是威望大著于西南梁王曲意奉之功
恋恋不肯歸國其大理夫人高氏寄樂府促之歸其詞
曰風捲殘雲九霄冉冉遂龍池無偶水雲一片綠寂寞
倚屏幃春雨紛紛促蜀錦半牀閒鴛鴦獨自宿好語我
將軍只恐樂極生悲冤鬼哭功得書乃歸既而後往其

臣楊智張希喬留之不聽既至善聞梁人私語梁王曰
段平章復來有吞金馬嘔碧鷄之心矣盍早圖之梁王
始起疑于平章密召阿益主命之曰親莫若父母害莫
若社稷功今志不滅我不已脫無彼猶有他平章不失
富貴也今付汝以孔雀膽一具乘便可毒殪之主潜然
不敢受命夜寂人定私語平章曰我父忌阿奴願與阿
奴西歸因出毒具示之平章曰我有功爾家我趾自蹶
傷爾父尚嘗為我裹之爾何造言至此三諫之終不聽
明日邀功東寺演梵至道濟橋馬逸因令番將格殺之

阿益主聞變失聲哭曰嗚呼下纔講與阿奴雲南施
宗施秀烟花殞身今日果然阿奴雖死奴不負信黃泉
也欲自盡梁王防衛者乃萬方主愁憤作詩曰吾家住
在鴈門深一片閒雲到滇海心懸明月照青天青天不
語今三載欲隨明月到蒼山悞我一生路裏彩錦被名也吐

嚙吐嚙段阿奴吐嚙可惜也施宗施秀同奴反好也雲片波

湊不見人押不蘆花顏色改押不蘆乃此方起死回生草名肉屏獨坐

細思量肉屏駝背也西山鐵立松鐵立松林也平章從官員

外楊淵海亦題詩粉壁飲藥而卒詩曰半紙功名百戰

身不堪今日總紅塵死生自古皆由命禍福于今豈怨
人蝴蝶夢殘滇海月杜鵑啼破點蒼春哀憐永訣雲南
土錦酒休教灑淚頻梁王哀淵海之才縉意欲為己用
見詩痛悼之乃厚恤之今隨平章榷歸葬大理

十代總管信直段寶功之子 洪武元年嗣職梁王遣矢
刺平章七攻大理不克乃講和奏陞寶為雲南左丞未
幾明玉珍得侵善闡梁王遣叔鐵木的罕借兵大理偕
寶已長答書云殺虎子而還喂其虎母分狙粟而自詐
其公假途滅虢賦璧人吳公印玉書乃為釣魚之譽

耳聞閨淑女自言才女之為平章已亡弟兄罄絕
今止遺一焚一奴奴再贅華黎氏焚又可配阿溢妃如
此事諾我必借大兵如其不可待金馬山換作點蒼山
昆明池改作西洱河時來矣書後附以詩云烽火狼烟
信不符驪山舉戲是支吾平章枉喪紅羅帳員外虛題
粉壁圖鳳別岐山祥兆隱麟遊郊藪瑞光無自後界
鴻溝後成敗興衰不屬吾梁王見之恨寶入骨平章女
僧奴志恒不忘復仇將適建昌阿黎氏出手刺繡文旗
以屬寶曰我自束髮聞母稱父冤恨非男子不能報此

旗所以識也今歸夫家收合東兵飛檄西洱汝急應兵
會善闡又作干章章曰珊瑚勾我出香閨滿目潛然淚
濕衣冰鑑銀臺前長大金枝玉葉下芳菲烏飛兔走頻
來往桂馥梅馨不暫移惆悵同胞未忍別應知含恨點
蒼旻何彼穠穠花自紅歸車獨別洱江東鴻臺燕苑難
經目風刺 易塞胸雲舊山高連水迤月新春疊與
秋重淚珠恰似通宵雨千里關河幾處逢後寶聞 高
皇帝開基金陵遣其叔段真自會川入京奉表歸款
真亦以書報之 見御製 寺六次巫女歌曰莫道君為

主山海笑言言 千萬朵別有明主來寶
數日疾卒子明嗣

十一代總管信苴段明 洪武十四年授以宣慰壬戌春
正月天兵破善闡梁王自鳩黨屬悉俘明遣都使張元
亨馳書穎川侯傅友德西平侯沐英麾下曰大理乃唐
交綏之外國善闡寶宋斧畫之餘邦難列營屯徒勞兵
甲請依唐宋故事寬我蒙段奉正朔佩華篆比年一小
貢三年一大貢友德怒拷辱其使明再上書曰漢武習
戰僅置益州元祖親征祇緣善闡乞冀班師友德答明

書曰我大明龍飛淮甸混一區宇陋漢唐之小智卑宋
 元之淺圖天兵所至神龍陣天地應符汝段氏接武
 蒙氏運已絕于元世寬命延息以至于今我師已殲梁
 王報爾世仇不降何待三月傳沐二將分兵宵緣點蒼
 顛繞出下閔之背先樹旗幟遲明段兵驚潰大軍策馬
 亂流而濟明遂就擒并其二子仁義至金陵太祖聖
 諭曰爾父寶曾有降表朕不忍廢賜長子名歸仁授永
 昌衛鎮撫次子名歸義授鴈門衛鎮撫大理悉定是夏
 元普顏篤夏文蒙子在鄧州先不華叛據鄧
 子正月十一日書友德復自七星關回軍
 大理平鄧川破佛光寨因定賦法築城隍設衛堡立學
 校比于中州列郡焉

續文獻通考卷之二百三十二

皇明進士雲間王圻纂輯

輿地方 邊閔上

皇明

遼東鎮按遼東全鎮延袤千有餘里北拒諸胡南扼朝鮮
 東控福餘真番之境實為神京左臂自大寧失險山
 海以東橫入虜地寧前高平諸處一綫之塗聲援易阻
 識者有隱憂焉南通溟渤倭警雖稀而金復蓋三衛僻
 在海壖號稱沃壤三岔河凍虜數垂涎故河東惟冬防

州城叅將備禦各一員 險山城叅將一員 靉陽城
守備一員 中國城備禦一員 鐵嶺城備禦一員
撫順城備禦一員 蒲河城備禦一員 江沿臺備禦
一員 石屯城備禦一員 一又次衝地方 金州城
守備一員

薊鎮按薊鎮自山海抵居庸延袤遼濶國初號稱腹裏頃
緣大漠內從宣遼隔絕沿邊千里與虜為鄰雖有屬夷
莊牧甘心附虜每犯內地輒為嚮導頻年撫賞勞費不
貲甚之肆為妄

潰烽火始達守人固老牆嶺若羅漢洞相繼
失守虜竟得志而去未一懲創當軸者是豈可不深長
思哉所幸層巒疊嶂天險為固斬崖湮谷其說不可易
已第將領補守素習彌縫監司閱歷憚于涉降重圍絕
塞乃至與虜共之殊可太息桑土綢繆棟焚在念茲非
其時耶此中積弊未易枚舉撮其甚者主兵耗于役占
客兵疲于往來民兵弱于偷愉班兵狃于故習根極要
領選練先焉然又以議論繁多莫可措手嗚呼不痛除
數弊而欲薊鎮之安不可得已

本鎮地方文武官員數目

總督薊遼保定等處軍務兼理糧餉侍郎一員

駐薊密雲城

整飭薊州邊備兼巡撫順天等府都御史一員

駐薊遵化

城鎮守總兵官二員 一駐三屯營 一駐昌平州 戶部管糧郎中

主事共四員 一駐永平城 一駐薊州城 一駐密雲城 一駐昌平州 兵部主事

一員 駐薊密雲城 兵備四員 一駐薊州城 一駐永平城 一駐密雲城 一駐昌平城

一樞衝地方 古北口副總兵提調各一員 石門

寨叅將一員 臺頭營叅將一員 燕河營叅將一員

太平寨叅將一員 馬口叅將一員 墻子嶺叅

將一員 石塘嶺叅將提調各一員 居庸關叅將一

員 渤海所叅將提調各一員 橫嶺城叅將一員

松棚堡遊擊一員 駐龍井 兒關 曹家寨遊擊提調各一員

大水谷遊擊一員 鎮邊城遊擊守備各一員 山

海關守備一員 大喜峯口守備一員 黃花鎮守備

領班官各一員 天壽山守備一員 駐灰嶺口 八達嶺守

備一員 石峽谷守備一員 白羊口守備一員 一

片石提調一員 大毛山提調一員 義院口提調一

員 界嶺口提調一員 青山口提調一員 桃林口

提調一員 冷口提調一員 擦崖子提調一員 榆

木嶺提調一員 董家口提調一員 龍井兒閔提調

一員 駐潘家口 洪山口提調一員 羅文谷提調一員

大安口提調一員 寬佃谷提調一員 黃崖口提調

一員 將軍石提調一員 鎮虜營提調一員 潮河

川提調一員 白馬閔提調一員 長峪城提調一員

德勝口祀總一員 一次衝地方 密雲城叅將遊

擊守備各一員領班都司三員 振武營叅將一員

建昌營遊擊一員 石匣營遊擊一員 遵化城遊擊

二員守備一員 三屯營 坐營中軍 守備各一員 昌平州

遊擊 坐營中軍 各一員 鞏華城遊擊一員 永平城守備

一員 薊州城守備一員 懷柔縣守備一員 一又

次衝地方 通州叅將一員 三河城守備一員

宣府鎮按宣府自東徂西邊長一千餘里雄據上谷藩屏

陵京譬則身之肩背室之門戶也肩背實則腹心安

門戶嚴則堂奧固其閑涉豈細細哉在昔經畧諸臣咸

謂彼中山川紛糾地險而狹分屯建將倍于他處號稱

易守自今觀之乃亦有不盡然者虜越永寧則南山之

迫切可畏龍門失守則金馬之戒備當先考之往事若
撞道橫嶺之驅疾如風雨浮圖紫荊之潰禍及郊圻耳
目睹記歷歷可鑒是豈可以易守言哉近駐督府于懷
來設專官于本路防護南山可謂至矣第其間猶有一
二可慮者礮砲等處界在兩鎮蘄宣稍有推諉脩設未
免單薄今虜且掠車夷去矣山後險易此輩蓋稔知之
長慮却顧茲其可緩乎該鎮本色素稱匱胸設遇連儉
或由居庸取道或自桑軋通運皆事勢之不可已者然
陸運蓋嘗行之舟運則自蘆溝以達彼中未有能詳其

說者其可不為之講求乎若夫重北路之哨探扼南渡
之要津虜東犯已得其形虜深入先據其勝此又不獨
宣鎮之利尤蘄之所必不可無者也

本鎮地方文武官員數目

巡撫宣府贊理軍務都御史一員 鎮守總兵官一員

戶部管糧郎中一員

俱駐劄宣府鎮城

兵備一員

駐劄懷來城

分守叅議一員 分巡副使一員

俱駐劄宣府鎮城

一極

衝地方 南山柳溝營城叅將一員 獨石城叅將守

備各一員 萬全右衛城叅將守備各一員 柴溝堡

經三虞通
叅將守備各一員 四海冶堡守備一員 馬營堡守
備一員 雲州堡守備一員 龍門所守備一員 滴
水崖堡守備一員 新河口堡守備一員 新開口
堡守備一員 膳房堡守備一員 張家口堡守備一
員 洗馬林堡守備一員 西陽河堡守備一員 一
次衝地方 宣府鎮城副總兵官一員 遊擊三員 都司
三員 備禦一員 永寧城叅將守備各一員 葛峪堡
叅將守備各一員 龍門城守備一員 長安嶺守備
一員 萬全左衛城守備一員 懷來城守備一員

一 又次衝地方 順聖州西城叅將守備各一員 延
慶州城守備一員 懷來城守備一道 岔道城守備
一員 保安新城守備一員 保安舊城守備一員
順聖川東城守備一員 深井堡守備一員 蔚州城
守備一員 廣昌城守備一員

大同鎮按大同古雲中地也西起了角東止陽和邊長六
百四十餘里東北與諸和連袂西接套虜在九邊中稱
絕塞焉 國家于諸邊率建敦列戍界限夷虜獨于該
鎮設為大邊二邊聯絡不已得無意哉閱歲既久傾圮

寢多虜騎跳梁已難控禦乃又以衝險故棄而不守雲中之重險盡失君子有遺恨焉彼中雖苦虜患幸無異圖自姦民丘富輩授以攻城之術于是雲中四境邊堡蕭然無復有存焉者極而至于石州之禍漸豈可長乎大邊之外即為豐州地多饒沃先年虜雖駐牧每遇草盡則營帳遠移乃今築城架屋東西相望咸稱板升其所羣聚者無非驅掠之民與夫亡命之輩也虎噬狼貪隱憂竊伏謀國者是豈可無善後之策哉該鎮之兵養歲久驕悍日滋稍不適意輒相詬噪甚至交通無忌

與虜為市者不能禦暴而反以為暴將焉用之近年議廣招徠議申軍令似亦得制禦之畧然必故態潛消大邊漸復庶可無意外之患第狂瀾既潰障蔽為難積習相循轉移豈易非得壯猷之帥恐未足以語此也

本鎮地方文武官數目

總督宣大山西等處軍務兼理糧餉侍郎一員

駐劄陽和城

巡撫大同地方贊理軍務都御史一員 鎮守總兵

官一員 戶部管糧郎中一員 俱駐劄大同鎮城 兵備四員

一駐陽和城

一駐大同鎮城

一極衝地方 平

虜城叅將守備各一員 威遠城叅將守備各一員

大同右衛城叅將守備各一員 助馬堡叅將守備各

一員 新平堡叅將守備各一員 得勝堡叅將一員

大同鎮城遊擊三員都司三員領班備禦二員

坐營中軍

一員 天城城遊擊守備各一員 平遠堡守備一員

保平堡守備一員 鎮羗堡守備一員 弘賜堡守

備一員 破虜堡守備一員 滅虜堡守備一員 威

虜堡守備一員 寧虜堡守備一員 殺胡堡守備一

員 雲石堡守備一員 威平堡守備一員 威胡堡

守備一員 井坪城守備一員 鎮川堡守備一員

乃河堡守備一員 迎恩堡守備一員 高山城守備

一員 一次極衝地方 大同左衛城副總兵守備各

一員 陽和城叅將守備軍門標下叅將遊擊各一員

朔州城守備一員 永嘉堡守備一員 靖虜堡守

備一員 鎮邊堡守備一員 鎮虜堡守備一員 鎮

河堡守備一員 牛心堡守備一員 一稍緩地方

靈兵城叅將守備各一員 馬邑城守備一員 應州

城守備一員 懷仁城守備一員 廣靈城守備一員

渾源城守備一員

山西鎮按山西自了角墩起至老牛灣止邊長一百餘里
外籍大同以為藩籬內恃三関以為悍蔽該鎮邊患似
非所憂也自嘉靖壬寅歲虜寇太原邊禍寔自此始嗣
是率數歲一入蹂躪之慘雖嘗聞之而城邑固無恙也
丁卯歲虜始陷石州受禍之烈前此未有何昔所稱為
藩籬為捍蔽者皆不足恃若此哉該鎮在諸邊稍稱腹
裏每歲列戍多用民兵素不見虜驟聞虜至咸相顧失
色一隅不支諸軍瓦解孰能整師迎敵以抗方張之虜

乎雖有大同為之藩屏虜自威遠平虜而下即抵莜麥
川奔利民堡或由平刑窺鴈門一入內地勢若河決于
此而欲角戰以求勝顧不難哉夫將必領兵三千方成
營伍該鎮之兵素怯懦不可用而各將所領多不滿二
千又騎步相兼非合數勞不可追逐埃其合而當之虜
已飽所欲矣知水泉一帶皆所必窺之地而河曲保德
又切近套虜嚴冬冰結呼吸可度軍士鑿冰之苦至墮
指裂膚尤為他鎮所無者烏可謂三晉為內地哉迩來
寧武叛卒如劉如沈皆用事虜中鴟張蠱毒謀逆未已

實為心膂之患圖事決策可不為之慮哉大抵山西諸路西路為急中東稍緩練土兵繕城堡明烽堠嚴哨探是為防守至計若乃扼陽方之口塞府川之衝此又守要害之切務不可不講而圖之也

本鎮地方文武官員數目

提督鴈門等關兼巡撫都御史一員

駐劄山西省城

鎮守總

兵官一員

駐劄寧武關

戶部管糧主事一員

駐劄代州

兵備

三員

一駐劄偏頭關一駐劄寧武關

代州

一極衝地方

老營堡

副總兵遊擊守備各一員

北樓口叅將守備各一員

河曲縣叅將一員

利民堡叅將守備各一員

廣

武站守備一員

偏頭關叅將守備各一員

寧武關

坐營中軍

守備各一員

神池堡守備一員

八角堡守備

一員 水泉營守備一員

奇嵐州守備一員

盤道

梁堡操守一員 一次衝地方

山西叅將一員都司

三員 代州叅將一員

汾州叅將一員

平刑關守

備一員

延綏鎮按延綏東起黃浦川西止定邊營邊長地遠為套虜充斥之地然自神木迤東逼近黃河灘通大舉神木

迤西直至石澇乾溝等處環遶千五百里雖有二邊傾
圯已甚不足為據虜不來則已來則必入矧長驅無忌
關以內尤為憂該鎮所係顧不重哉考之先朝經畧西
事諸臣如余子俊楊一清王瓊輩皆訂畫鴻猷膾炙人
口至究其所建置則修築先焉蓋設險衛民實保塞至
計也邇年督撫先後相繼率主修設以故終歲之內東
西諸路報完頗多第天下事非一人一手所能就緒因
其所有增其所無以共圖千百年永賴之利非同心體
國者不可也然竊有說焉此中軍士驍悍善戰素稱忠

勇自庚戌以後更番入衛疲于奔命無復故態而又以
地多沙漠種植為難芻糧不充曾不宿飽萬一虜駐魚
河糧道險遠鎮城坐困憂先机事其可不為之經理哉
議者欲于府谷至葭州由黃河而上造舟轉運以濟清
水木瓜孤山等處亦為甚便近雖題行而建置倉庾改
徵本色未聞議及皆今日之所宜汲汲者若夫議復河
套之舊以守東勝之城審時度勢殊難為力是又未可
以易言也

本鎮地方文武官員數目

巡撫延綏地方贊理軍務都御史一員 鎮守總兵官

一員 俱駐劄榆林鎮城 兵備二員 一駐靖邊營 一駐定邊營 一極衝地

方 孤山堡副總兵一員 定邊營副總兵一員 神

木堡叅將一員 鎮靜堡叅將一員 舊安邊營叅將

一員 清平堡遊擊一員 榆林鎮城 坐營中軍 一員遊擊

五員 清水營守備一員 高家堡守備一員 保寧

堡守備一員 寧塞營守備一員

寧夏鎮按寧夏古朔方河西地也東起鹽場西盡中衛東南距河為險北倚賀蘭為固在昔稱四塞焉自虜入套

以來邊患始劇其在夏秋則用渾脫浮渡以擾我邊嚴寒之時則踏冰卒入乘我不備甚至取道賀蘭山後往來莊涼恬無忌憚今之寧夏是豈可以往昔例論哉說者謂復舊墩明烽堠嚴長城之守備興靈之衝此固切要之論也然不分番監哨則各水頭地方虜之有無亦何自而知之哉哨探真確然後量勢大小潛出銳兵攻其必救此亦守邊捷法何者邊長兵寡聚散異形有警號召卒難齊一不若乘便搗剽使虜賊疑畏不敢近邊駐牧庶幾亦長策也此外則濬舊渠通水利固可以復

屯田亦可以阻虜騎云

本鎮地方文武官員數目

巡撫寧夏地方贊理軍務都御史一員 鎮守總兵官

一員 俱駐劄寧夏鎮城 戶部管糧郎中一員 駐劄花馬池營 兵備

一員 駐劄寧夏鎮城 一極衝地方 寧夏衛城副總兵一員

遊擊二員都司五員 平虜城叅將一員 寧夏中衛

叅將一員花馬池營叅將一員 興武營協同一員

廣武營協同一員 玉泉營守備一員 駐劄網堡 一次衝

地方 靈州城叅將一員

固原鎮按固原向在先朝號稱腹裏每值水結所守者僅

靖虜一面耳近年賓免諸酋乘秋分住大小松山往來

沿河乘虛浮犯又或踏水謀掠安會蘭靖諸堡西海之

賊出沒無時已屬可慮而生番諸部又時肆剽掠擾我

耕牧劫我行旅蓋番漢雜處良有隱憂援今稽昔豈不

真霄壤哉大段狂虜謀犯雖涉多岐而制禦機宜惟先

要害定邊花馬興靈其藩籬也石溝鹽池韋州萌城山

城其門戶也固原黑水鎮戎西安海刺其庭除也安會

隆德平涼其堂室也墩堡遊兵當併力防禦以壯藩籬

正兵主兵當駐守要會以嚴門戶撫鎮等官當振揚威武以靖庭除縣令等官當團練土兵以安堂室小至則戰但不可輕進大至則守姑勿與爭鋒俟其擁衆深入或據險以阨其衝或張疑以分其銳虜進無所逞野無所掠勢必西遁然後乘其已奪之氣或斷其中或截其尾安有善歸之理乎如是而又清影射之丁寔逃亡之伍墾萊蕪之地補新募之軍添沿河之堡凡西鳳臨鞏之卒多方訓練以作其赴敵之勇形聲氣勢亦足遠懼防守之策詎不出此者是在當事者加之意而已

本鎮地方文武官員數目

總督陝西三邊軍務侍郎一員駐劄固原鎮城 巡撫陝西地方

兼理軍務都御史一員駐劄陝西省城 鎮守總兵官一員駐劄

固原鎮城 兵備五員一駐劄固原鎮城 一駐岷州 一駐慶陽州 一駐漢中

一極衝地方 蘭州叅將一員 河州叅將一員

固原鎮城遊擊二員 靖虜衛遊擊守備各一員 西

安千戶所遊擊一員 紅德城遊擊一員 下馬関守

備一員 環縣千戶所守備一員 一次衝地方 洮

州叅將一員 岷州守備一員 階州千戶所守備一

員 西固城千戶所守備一員 文縣千戶所守備一員 一又次衝地方 陝西叅將一員 漢中府守備一員

甘肅鎮按甘肅古河西四郡也西控西域南隔羗戎北蔽胡虜寔為西郵孤懸絕塞 國初設哈密為捍衛蓋即漢人斬匈奴右臂之意自土魯番屢肆劫奪陝已失守其部落皆散置閔外捍衛遂失嗣是亦不刺徙居西海吞併番族番漸不逞隴右之間遂無寧宇甘肅邊患自此日甚一日矣該鎮可以設險之處固有而其不可

設險之處亦多守之之法惟于秋冬之候行令莊浪並魯民土兵以防碾伯西寧遊兵駐古浪以防岔口鎮羗州副將合永昌之兵相為犄角以外助鎮番內防涼永肅州叅將并鎮夷高臺諸處嚴謹堡寨以防攻擊而又畧倣克國困羗夷之法開墾屯田以實塞下行之數年增建城垣修飭器具招募軍兵買補戰馬皆無不可此前人已試之猷非敢為臆說也聞彼中所急無如井泉居常度地勢察泉脉隨便開鑿使四境之內棋布而星列之是亦備緩急之一策乎大抵甘肅控禦番夷其

机在我若禁茶却 貢番人自當乞哀請 命不暇是
故該鎮之憂南不在番北不在虜所當亟圖而遠慮者
莫西海諸賊若也

本鎮地方文武官員數目

巡撫甘肅地方贊理軍務都御史一員 鎮守總兵官

一員 俱駐劄甘州鎮城 戶部管糧郎中一員 駐劄蘭州城 兵備

二員 一駐西寧衛 一駐莊浪衛 一駐肅州衛 一極衝地方 高臺所

左副總兵一員 涼州衛右副總兵一員 肅州衛叅

將一員 莊浪衛叅將協守各一員 鎮番衛叅將一

員 永昌衛遊擊守備各一員 黑松驛遊擊一員

甘肅衛 坐營中軍 一員都司三員 紅城子堡守備一員

鎮番堡守備一員 平川堡守備一員 山丹衛守備

一員 洪水堡守備一員 打班站領班備禦一員

石硤口堡領班備禦一員 古浪千戶所操守一員

鎮夷千戶所操守一員 嘉峪關守備一員 一次衝

地方 西寧衛叅將一員 碾伯右所操守一員 已

煖三川堡操守一員

河套

河套在戰國時為上郡後匈奴並有之自秦蒙恬逐匈奴而有其地所謂河南地者此也漢武用主父偃策乃立朔方郡固河為固若夏赫連勃李繼遷皆雄據北方至宋元昊遂稱夏帝據河南之九州即今套中也宋史云地饒五谷尤宜稻麥自昔然也今菽園雜記亦云近時關陝大飢流民如其中求活者甚眾每踰年纔復業是土之肥饒可耕桑古今一致也按河套周廻六千七里三面阻河惟南近陝西之榆林堡橫亘東至山西偏頭關西距寧夏鎮幾二千里從榆林邊城抵黃河遠者八

九百里近者二百百里唐韓國公張仁愿為朔方大總管渡河于套北築三受降城以守元立東勝州在受降城之東我太祖遣大將徐達等驅虜出絕塞洪武甲寅秋李文忠畧豐州大獲虜亦遁甲戌春三月城東勝成祖即位又親征虜當是時虜竄伏荒域黃河之外一帶蕭然延綏稱無事矣宣德乙卯秋北虜阿台朶兒只伯擁眾寇甘涼朝廷擢監察御史羅亨信為右僉都御史往平涼莊浪等處練兵又擢浙江按察司副使陳鑑為右副都御史鎮守陝西兼理寧夏延綏等

處邊務是時防禦猶整虜殘傷未復不敢涉河且受降
城一帶亦不敢顧時河套猶為我險久之邊將稍息

或曰

正統以後
失其險

正統丁巳春兵部尚書王驥巡邊至甘肅

見莊浪永昌山丹等衛守兵單弱烽堠廢行伍無律嘆
曰邊防如此而欲虜無侵凌難矣明日坐轅門大會諸
將卒詢曰先年大軍遇虜于漁海而先退者誰歟衆對
曰指揮安敬即命引出斬之徇于衆曰今後遇敵畏縮
者視此驥在鎮簡戍兵謹斥堠嚴部伍勤訓習利器械
軍容肅然既而虜酋已脫孛羅寇莊浪驥遣都指揮衛

榮授以方畧擊敗之俘獲甚衆虜引退尋遣知院阿魯
等來納款驥尋還京 是年九月北虜犯甘肅仍勅驥
在禦之時勲衛陳儀言于上請于寧夏甘肅簡精銳俟
春煖俱發諸道並進且瓦剌相犄角殘虜破敗之餘必
就擒戮此萬全利也從之戊午春王驥等兵次甘肅申
飭號今于是將士咸思奮願與虜一戰雪數年之耻俄
而虜酋阿台朶兒只伯入寇驥選精兵三千以都督蔣
貴將之戒之曰兵精氣銳遇賊不能勒殺無復相見貴
父子奮勵以往驥又遣趙安領兵由東涼州逾白雅孤

口北抵赤林鐵門諸關為犄角驥親統馬步軍與太監
魯安都督任禮等出鎮夷關與貴約至狼心山舉火為
應遂行貴遇虜于石城兒泉破走之進襲阿台朶兒只
伯兼穴遂會任禮等兵夾攻虜于梧桐林擒其驍賊都
丹等三千餘人復追至野狐心青華山轉戰二千餘里
俘獲二千餘口及馬駝畜產阿台等以數十騎遁去尋
走死河套以寧然間亦渡河來犯繼而守將都督王楨
始請榆林城堡往北三十里之外沙漠平地則築瞭望
登臺虜窺塔即舉烟示警往南三十里之外則埋軍民

不易之法也從之遂止與信二萬人巡邊于是搜套之
議遂寢已而命吏部侍郎葉盛往延綏議河套事宜時
盛任套言人人殊有言增兵守禦者有言大舉搜虜驅
出河外沿河築城堡抵東勝徙民耕守其中者盛往度
方畧回奏謂河套沙深水淺難以住牧春遲霜早不可
耕種搜河套復東勝此皆事勢所難惟增兵守險可為
遠圖且剷削邊牆增築城堡收新軍以實邊選土兵以
助守不但可責近效而亦足為長便 制曰可弘治改
元左都御史馬文昇上疏云本年十二月十七日有巡

撫延綏都御史黃紱差舍人房正奏事到京前來本院
投文臣當臺詢問地方事情本舍說稱虜賊俱在河套
近邊墻居住日逐射獵通事回話答說並不做賊搶掠
到明春要來進貢臣切惟胡虜為患自古而然勢盛則
搶掠勢衰則北遁近年以來東則在于大同宣府西則
在于延綏寧夏再西則在于甘涼趨逐水草時或出沒
以虜賊之常態也以今日虜勢論之部落分散固不足
深慮但我武備不振芻糧不足亦在所當憂成化四年
虜酋阿樂出乧加斯蘭上居河套犯我邊陲朝廷命將

出師往往征勦彼欲緩我之師亦嘗遣人進貢由偏頭
經大同赴京朝廷賞賚甚厚回套之後大舉入寇仍前
剽掠至成化九年冬方逐出套復犯大同宣府又已數
年軍勞于征戰民困于轉輸幸而虜賊自相讎殺邊方
稍寧及太監汪直之啟募總兵官許寧之失律官軍喪
敗所不忍言仰惟 皇上嗣登寶位威德遠及虜酋向
化遠貢闕庭今此虜俱于河套近邊牧獵聲言春間又
要進貢臣切思河套之中地方千里草木茂盛禽獸繁
多北有黃河南近我邊河水開後彼藉黃河之險而不

虞零賊之偷其馬足又得時常出沒以掠我之生畜欲居河套之心無時少忘連年水結之後虜必擁衆進入但野草燒燎已盡馬無所食不能久居隨復出套中十數年餘久無邊患今此虜居于套中不復搶掠意在緩我之兵春初即來進貢必須似往年從榆林由偏頭關經大同而來為詞不從則阻彼向化之心從之則貽我道無窮之患彼既進貢餘衆居于套中從容就草牧馬比及彼回草芽已茂馬臙已壯欲令彼出套彼必藉言河水已開倘此虜背我國恩入寇剽掠陝西邊患何時

種田界石多于硬土山溝立馬界石外開創榆林一帶營堡累增至二十四所歲調延安綏德慶陽三衛官軍分戍而河南陝西客兵助之列營積糧以遏寇路及景泰初虜犯延綏不敢深入天順戊寅冬虜酋孛羅延綏神木縣等處守將彭武伯楊信都督僉事張鎮禦虜于柴溝多斬獲虜尋寇安邊營鎮分道拒之連戰于野馬澗等處遂俘其將鬼里赤他物倍柴溝鎮以功進都督同知佩征虜副將軍印總延綏慶陽諸路兵然自是孛來毛里孩阿羅出阿羅忽等相繼入寇東掠延寧甘

涼西侵宣大北境無寧歲矣天順辛巳冬虜酋阿羅出
渡河寇延綏始知我東偏頭西寧夏皆守惟延慶可馳
突遂入屯其中即今吉囊子住牧也自是虜得伺机便
不時出没大為邊患成化乙酉秋虜寇延綏時巡撫都
御史項忠寧遠伯任壽巡撫延綏都御史盧祥合兵禦
之虜敗去時虜已潛伏河套為西邊患輔臣有建言興
師十萬以彰武伯楊信為總制搜勦之七年辛卯以信
巡邊 是年兵部尚書程信言河套地曠遠無水草興
師十萬則饋餉者加倍自古禦戎來者不拒去者勿追

得已況今各處府庫未見充實陝西人民未獲蘇息供
給轉輸賴之何人及甘涼一帶見今亦有聲息而哈密
地方人被殘破萬一如臣所慮事之可憂莫大于此乞
勅延綏鎮守總兵巡撫等官一面用心操練軍馬嚴加
防禦一面令通事與彼答話既要進貢早為出套還從
大同赴京朝廷自有重賞若又以由榆林進貢為詞緩
我之兵必大張兵勢必別有奇謀務要逐彼出套不可
容彼久住貽患地方 弘治庚申春虜寇大同命平江
伯陳銳戶部左侍郎許進兼都御史統兵禦之銳畏怯

嬰城自保無功而還罷銳進亦致仕辛酉兵部尚書馬文升以地震因言陝西西隣番虜而延慶二府又與河套密迩即今小王子部落日衆精兵數萬其酋火篩者梟雄桀黠往往以計敗我官軍觀其所存其志非小今正月朔日地震未已而虜十五日擁衆入寇夷狄侵凌中國之兆亦已明矣未幾命保國公朱暉佩征虜將軍印總諸路兵右都御史史琳督軍務赴榆林禦虜暉等覘虜酋所在潛師襲破之遂擣其巢穴毀其廬帳斬其老弱百餘級而還頃之火篩復侵劇甚邊堡失事鎮城

書閉又擢大理寺丞陳壽為右僉都御史巡撫延綏壽至先恤陣亡官軍隨易諸路將領兩旬間與虜三勝虜如有備遂渡河北遁地方危而復振壽乃開邊耕耘架梁採牧不數月省費二十七萬是年秋火篩復寇大同威寧勢猖獗京師戒嚴上亟召馬文升入便殿議戰守之策仍命保國公朱暉等整官軍以待且令各邊謹斥堠修戰具虜尋引去乙丑冬虜數萬直抵固原關中震恐道無行人巡撫陝西都御史楊一清時在平涼亟率帳下五千餘人至瓦亭驛適虜圍花馬池營見我軍

容甚盛移侵隆德尋引去已而諸大臣議復河套明年
正德改元丙寅春遂以一清總制陝西三邊軍務復河
套也丁卯罷一清先是一清以寧夏花馬池要害套虜
數由之以入乃率官屬緣邊巡視上經畧三疏一議守
守虜所必入一議戰戰虜所必敗一議攻攻虜所必救
且言河套即古朔方地張仁愿築三受降城自是無寇
之修濬墻塹以固邊方增設衛所以壯邊兵奏報可一
清遂興築濬墻剋期完工會劉瑾憾之而罷一清乞休
僅築四十餘里自是無敢言及河套者即有建白輒云

修邊或曰進幾里扞虜或又曰退幾里固我我邊日退
套虜日進嘉靖戊子起楊一清兵部尚書兼都御史提
陝西邊務上疏曰寧夏花馬池東至延綏安邊營西
至寧夏黃河邊橫城堡一帶地方綿亘四百餘里內外
黃河野草瀟望無際無高山巨壑為之阻限成化初年
北虜在套彼時未有邊墻恣肆入城所謂膏肓之疾腹
心之害也巡撫寧夏都御史徐廷璋始修復之巡撫延
綏都御史余子俊修濬完固北虜不復入套者二十餘
年世平人玩邊備稍疏墻既日頽溝又日淺弘治十

四年大虜由花馬池拆墻深入連年擁衆失利上屢宵
旰之憂臣于正德二年二月興工自寧夏橫城起築過
墻塹約四十里不意權奸劉瑾竊柄矯 詔中止識者
以為恨厥後套賊頻年入寇皆于未修邊墻拆入正德
十年大舉深入固原平涼殺掠甚衆正德十四年又復
擁衆侵犯直至鞏昌秦州地方至嘉靖元年又復大舉
竄犯西安之邠州鳳翔之龍州殺掠之慘比前倍之閔
井蕭條戶口凋耗使正德二年劉瑾不出得終前功所
費不過二三十萬之銀而人民有耕守之利官民省征

伐之苦矣未幾一清 召入內閣自是北虜吉囊俺荅

無歲不擾榆林寧夏宣府諸境嘉靖丙午虜深入陝西

殺掠八畜總督侍郎曾銑揚州府人奏議復河套丁未冬河

西總兵咸寧侯仇鸞為奸銑發之 詔逮鸞鸞誣銑行

賂掩敗冒功妄議復套閔中人情大搖遂亦逮銑詔獄

時 內閣夏言是銑議又 內閣嚴嵩素忌言因落言

少師以尚書致仕遂織坐銑交結近侍律戊申春三月

殺銑遂逮言繫錦衣獄論死是年十月殺言虜益安套

無復敢議矣丙寅冬套虜大舉犯延綏官軍出擊敗績

殺傷總兵千把總等官陷折人馬甚多事聞 上詰責
總督鎮巡官俄而總制三邊都御史陳其學奏稱達賊
已被官軍奮擊驅逐出境時齎本人張四為兵科都給
事中歐陽一敬詰之答云行至中途聞套虜又復入不
知搶何地方一敬因奏學專持文墨之議原非揮霍之
才官軍淪沒束手無策出境之報纔聞而入境之報隨
至方相載以去不旋踵而來或出或入如履無人之境
地方殘害之慘不知所紀極 詔奪其學爵回籍以刑
部侍郎霍冀代學時兵食稍乏一敬又奏請發太倉邊

餉及太僕寺馬價各若干兩解充該鎮緊急之需又命
戶部發銀一萬五千兩運至山西支給或請調山西大
同應調兵或請調集各鎮精銳及放回各衛兵馬以備
策應顧虜亦尋引去夫策河套者至是無遺慮亦無他
良議矣

載考舍三受降城而衛東勝已失四面之險未幾又撤
東勝以就延綏即城榆林則自孤山以至花馬池高橋
三面城守地延兵分勞費遂不支矣有謂河套千里虜
處水曲山阿之便多無城堡壘寨之設若以銳師三萬

續文獻通考
搜掠其套繼之邊軍以振其後必將封官山而守大磧
屯降城而阻餘吾烽真水而斥草心肥饒可以足軍業
耕足以厚民轉輸省民力寬卒伍亦少蘇矣是或一議
也

雙槐歲抄云八套之路多由黃甫川南焦家坪以兩岸
夾山水先合後泮此外則娘娘灘及羊圈子渡口冬月
冰堅隨其所擇而官軍駐劄多在神木堡或高家堡莫
能測也成化十五年滿都虜亂如思蘭死其子僭稱小
王子弟亦思馬因僭稱大師播遷宣大邊外使有勇智

之將一鼓擒焉偏搜匿套者彼將喙息不暇于是招募
勇士築城屯種套中虜患或可除矣成化間倪文毅公
一疏云據指掌之圖肆宵臆之見者率謂復受降之故
險守東勝之舊城則東西之聲援可通彼此之犄角易
制是非不善也第二城之廢棄既久地形之險易未知
况欲復城河北以為守必須屯兵寨外以為之助出孤
遠之軍涉荒漠之地輜重為累饋餉為艱彼或佯為遁
逃潛肆邀伏或抄掠于前躡襲于後曠日持久露行野
宿人心驚駭軍食乏絕進不得城退不得歸一敗塗地

聲威大損其有懷愾敵之心馳伊吾之志者率謂統十
萬之衆累半月之糧奮揚威武掃蕩腥膻使河套一空
邊陲永清是亦非不善也然帝王之兵以全取勝孫吳
之法以逸待勞今欲鼓勇前行窮搜遠擊乘危履險徼
倖萬一運糧遠隨則重不及事提兵深入則孤不可援
况其間地方千里綿亘無際既無城郭之居亦無委積
之守彼或往來迂徙罷我馳驅或掩襲衝突撓我困憊
虜酋安望于成擒中國復至于大創失坐勝之机蹈覆
沒之轍必矣至于欲圖大舉以建奇功者謂必剪建州

之衆除朵顏之徒乘勝而西遂平河套夫 祖宗之于
建州朵顏諸衛不過羈縻保塞以固吾圉今若是將使
戎狄注心藩籬頓壞遺孽難盡邊釁益多是果何知誠
為無策甚者至謂昔以東勝不可守既已棄東勝今之
延綏不易守不若棄延綏則兵民可以息肩閩陝得以
安枕夫一民赤土皆受之于天子 祖宗不可忽也向
失東勝故今日之害卒于延綏而閩陝騷動今棄延綏
則他日之害鍾于閩陝而京師震驚賊愈近而莫支禍
愈大而難救此實寡謀故爾大謬嗚呼一唱百和牢不

可移甲是乙非卒莫能合成功既鮮高談奚取焉臣所
尤不滿者徒以書生典兵謂詢謀為無益棄人言而不
顧謂專斷為無傷執己意而不回處置乖方指揮失義
若向之圖復西戎既為苟且之舉已損威而失信近之
議制南夷復倡隄備之說以啟釁而示怯違居中制外
之權昧以大事小之體推是以往其他可知徒使下弛
兵機上隳國紀又皆此輩舞文之過重貽後時噬臍之
悔者也故以臣論之不若即古人已用而有成及今日
可行而未盡者舉而措之其為力也少其致功也多曰

重將權以一統制而責成功曰增城堡廣斥堠以保眾
而疑賊曰募民壯去客兵以弭患而省費曰明賞罰嚴
間謀以立兵紀而覘賊情曰實屯田復漕運以足兵食
而紓民力廣東陳建亦云唐張仁愿猶能築三受降城
于河北以絕虜南寇路而我朝乃不能因河以固守河
南而使虜得以據為巢穴以貽閩陝無窮之害將帥有
愧前代矣

獨石

開平大寧地形牽貫棄則開平孤當事者不追復大寧而圖保獨石于是開平遂廢不守北境

罷一巨

鎮云

宣德五年庚戌始城獨石初 洪武庚戌李文忠破元上都設開平衛守之置八驛東則涼亭沈河賽峯黃崖四驛按大寧古北口西則桓州威虜明安隰寧四驛按獨石聲息相聞犬牙為制禦北虜之長城也庚午春傅友德破虜于迤都山擒其將乃兒不花還駐開平戊寅遣總兵楊文棟北平行都司及燕府護衛精銳馬步軍往鎮開平以防禦永樂初大寧既棄而開平失援難守至是始命揚武侯薛祿築獨石隆慶城而設開平衛于此棄地蓋三百里故宣德以後之開平非國初之開平矣

甲寅春開平守將奏邊務數事上舉其可行者付所司施行因謂侍臣曰方今海內小康惟虜叛服不常古人制夷狄惟在守備若城堡堅固糧芻充足士卒精練哨瞭嚴謹彼亦何能為患朕屢以此戒飭邊將但慮其因循玩慢今春氣漸深正邊民耕種之時一時農事妨廢秋收無望仰給于轉輸則勞遂令邊將嚴謹備之未幾獨石馬營等城防怠也先入寇土木是虞給事中葉盛上言向使獨石馬營不棄則王師何以陷土木景泰初議者復欲棄之于謙曰棄之則不但宣大懷來難守京

師不免動搖乃止三年壬申夏命都督同知孫安鎮獨石以葉盛為山西右叅政協贊軍務盛條陳利害八條上之朝廷次第擬行盛又與安領兵渡龍門關且戰且守八城完復如舊盛又積銀五千兩買牛千餘頭揀戍卒不任戰者俾事耕稼歲課餘糧凡軍中買馬除器諸費皆是焉取給盛居獨石五年邊人賴以歡洽歲亦頻登城中有忠武開平王祠盛所建也

續文獻通考卷之二百三十三

皇明進士雲間王圻纂輯

輿地考 邊關下

大寧

又云古會州地也三衛入貢口喜峰口撫賞諸費又累軍丁後取諸馬場子粒

洪武丁卯春元訥哈出寇遼東馮勝領兵由新開喜峯口破之還城大寧即古遼西郡地契丹號為中興大定府者是也今城在喜峰口外大同在其西遼陽在其東京師在其南北背松漠而扼北虜馮勝請置都司衛所擇人統兵守之兼領朵顏三衛城中民夷錯居以故兵多

驍健可用國初以封寧王顧胡人獷悍而戍卒有中州
人不耐苦寒日夜思歸靖難兵起遂乘之以南因兼三
衛夷人而用之永樂初當事者因謂大寧曠遠難守遂
以與朶顏諸虜而遷行都司于保定云 河南許論云
靖難後兀良哈部落內附乃改封寧王于江西徙大寧
都司于保定散置營州等衛于順天之境而以大寧全
地與之授官置衛令其每年朝貢一次每次衛各百人
往來互市永為藩籬即朶顏福餘泰寧三衛是也遼東
宣府自此隔絕聲援絕矣正統以前夷人畏服地方寧

謚但令都指揮都督于喜峯密雲等處鎮守驗放別無
多官土木之變頗聞三衛為也先嚮道有如牛頭山之
猖獗者乃命都御史鄒來學經畧之此後因而添設太
監叅將等官而夷情亦變詐不同然尚未敢為寇也弘
治中守臣楊友張瓊因燒草掩殺無辜邊募遂起正德
以來部落既蕃朶顏獨盛陽順陰逆畧肆侵噬花當則
脅求添貢把兒孫深入擄掠動稱結親迨北恐嚇中國
叅將陳軋魏祥俱以重兵前後陷沒他可知矣大學士
丘濬以為狼子野性獷不可制欲于畿內增建四府以

屯重兵是亦一策也 嘉靖戊午兵部郎中唐順之奉
命查邊兵上疏云三衛夷人與諸邊異諸邊之夷必鬪
之賊也三衛夷人則不然竊觀 文皇帝出塞皆因三
衛為前鋒所謂以夷攻夷是以所向如意而 文皇帝
亦豐金帛厚犒之至于 累朝亦儘為不侵不叛之臣
每用北虜之馬以獻而時時為中國陰詗北虜 累朝
亦豐金帛厚犒之後來邊臣與之力爭一馬一紵之利
以失其心是以寇盜竊發至于攻城堡殺叅將而邊臣
又不分逆順往往撲殺誘殺之是以激而導北虜殘中

國皆邊臣不知大計不識 祖宗羈縻畜養之深意激
之變生以馴致此極也由此言之北虜得三衛則足以
蔽中國之耳目而資其嚮道以窺中國中國得三衛則
足以奪北虜之嚮導而更為中國陰詗北虜蠢茲小醜
宜無足論而邊境安危之机亦畧可見矣 陛下于貢
馬常賜之外歲發三萬兩與薊鎮為撫夷費此 聖明
并包夷夏神謨英畧同 成祖者 今三衛雖資北虜
結婚之勢而亦恋中國歲賚之利雖或彼脅而嚮導北
虜以攻為蝥賊亦每效順而逆哨中國以私求貨賂雖

或利北虜之內侵而拾其棄餘亦殊苦北虜之經過而
殘其部落所謂赤子蝎蛇勢未有定且我之邊備纖悉
必知而北虜信使無日不至三衛每夜不收到三衛首
帳中無一次不見北虜使在其間此其事誠不可不深
長思也誠使督撫諸臣震兵威以奪其志捐財帛以結
其心時用秘計以携其交縱不能使之以夷攻夷亦可
使必為我耳目而不為賊嚮導此在邊臣知大計者方
畧何如耳御得其道徂詐作使此之謂也又臣竊見始
者北虜寇秋今寇春以至無時不寇往年之寬佃谷三

月則寇前年之黑谷閏正月則寇昨年之流河口三月
則又寇嘗竊怪之以為北虜在沙漠之外又春月馬弱
之時縱使疾馳不應至此及至薊鎮始得其說蓋把都
兒打來孫二虜自嘉靖二十九年以後收屬東夷而居
其地遂巢穴遼薊間馬路不八九日而至墻下而屬夷
一二不逞者又為之偵候嚮導是以遼之前屯薊之涑
東其患日尋而不悉也夫中國之與夷狄辟如大家與
盜賊為隣不慮其強而慮其近近則我之防備無休而
彼之抵隙又便河流寬佃之失可鑑也合令督撫諸臣

羣議何計可以折屬夷北虜之交何計可以遠隔北虜使不得非時入寇毋求長筭毋使目前庶邊境有金城之安免于無時不備之困也

東勝

東勝衛在豐州之境洪武間置東勝左右衛命將統兵鎮之與大同降城等處相望 洪武辛巳冬議者謂孤遠難守遂改左衛立于永平右衛立于遵化縣而東勝以墟

內三關

在北直隸

內三關燕趙之境山後諸州地也左薊鎮右宣府枕奠

皇都是謂直隸三關曰居庸關隸薊州提督曰紫荆關

曰倒馬關隸保定提督 欽差巡撫保定等處都御史

一員駐保定 欽差巡按居庸等三關御史一員駐京

師都指揮一員守備一員駐居庸又紫荆守備一員倒

馬守備一員白洋口守備一員浮圖峪守備一員居庸

關馬步官軍二萬三千七百六十二員名子粒米二千

六十石新增餘地折色銀三百五十兩餘丁承稔米三

百三十石馬四百二十二匹東路撞道口等口一十三

共馬步官軍一百七十八員名中路雙泉等口三十六
共馬步官軍七百七十員名白洋口堡一馬步官軍五
百八十一員名馬六十匹迤西六墩軍四十名西路栢
峪等口三十七共馬步官軍五百三十三員名長峪城
馬步官軍二百七十二員名紫荆關馬步官軍共五千
八百八十六員名子粒米一千七十四石馬四百一十
二匹馱鎗馬八十匹外一會自東而西河沿等口五十
二共馬步官軍一千三十七名內一會自西而東白石
等口二十四共馬步官軍二百七十三名浮圖峪口馬

步官軍四十三名馬八十匹倒馬關馬步官軍共五千
八百十三名子粒米一千六十石備冬騎操馬一百三
十匹東北路周家等口六十六共馬步官軍四百九十
七名西南路龍泉等口五十一共馬步官軍一千四百
四十一名挿箭嶺口常守官軍三百名 鄭端簡公云
山西自井陘西北數百里崇岡複嶂扼為居庸迤邐東
折玉帶神嶺諸山若拱若抱八陵在焉外拒四海治潮
河川古北口去居庸不遠故居庸為京師北門居庸東
去舊有松林數百里中有間道騎行可一人即札八兒

導元兵趨南口者紫荆倒馬二關隘口既多守備不能
專內連真定保定大名燕趙之郊平夷曠衍無高山大
陵為之限隔騎便馳逐南東更順德廣平遂入齊魯下
江淮

外三關

即山西三關

外三關者一曰鴈門一曰寧武一曰偏頭繞山西太原之
境而拱大同欽差提督三關兼巡撫山西都御史一員
駐太原府防秋移代州兵備副使一員駐代州鎮守山
西兼提督三關副總兵一員駐寧武又代州叅將一員

偏頭叅將一員北樓口遊擊一員老營堡遊擊將軍一
員鴈門守備一員寧武守備一員偏頭守備一員廣武
守備一員平刑守備一員利民守備一員老營守備一
員神池守備一員馬步官軍共二萬一千五百四十七
名子粒米六千二石二十七石徵解邊銀三十八萬餘
兩新增歲用銀五萬八千七百一十兩料一十六萬七
千九百四十石馬一萬五千五百四十三匹草五十八
萬九十餘束 鄭端簡公云鴈門三關東起代郡外斷
虜中內畧太原北境西盡雍河之濱鴈門稱絕險虜入

大同川二邊不能守則鴈門當其衝寧武諸營堡不甚
險隘虜往往由蕎麥川野猪口入婦女畜產驅逐已出
塞而遊兵百里赴援難矣偏頭地平可馳馬故多虜患
西北冬備河曲東北時時備大同川往時諸險塞設關
邏夫環戈戍卒荷戟守吏辨符行者脅肩曳踵左右森
立正德以後高者入賂逋者奸闌廢鏊缺斤左右環立
不問誰河况覈符契嘉靖以來虜細出入至居京師習
兵器市禁物羣來旅往如履康衢險哉 河南許論謂
三關俱稱要害而偏頭逼近黃河焦家坪娘娘灘羊圈
子等處皆套虜渡口往來蹂躪歲無虛日尤為難守今
防守之兵半是民壯馬又小弱非太僕寺所充者扶傷
救死之不暇而責以敵愾之氣難哉或謂己巳之變大
同徵山西之兵防禦者蓋七千人今在鎮城止供薪水
門戶之役而坐糜糧餉分毫無益若改戍三關給以太
僕寺之馬民壯數千盡為革除可矣

洮州三鎮

三鎮即納鄰七站之地西考寇門也洪武己未春始城洮
州壬戌置洮州衛軍民指揮使司己而沐英請設建城

堡 命官守禦從之遂分其地為三鎮云 曰洮州鎮
是設洮州衛高樓等閑凡五楊昇等寨凡二濟洮等堡
凡二十四監收通判一員叅將一員東西南北四路各
總巡指揮一員把總管隊官全印屯局捕首領官全防
守官一十八員以駐各寨堡馬步官軍六千一百七十
五名新舊召選舍人土兵民夫八百名馬三千七百一
十六匹合處民運糧三萬五千九百六石零草五萬八
千七百五十九束民屯糧三千九百四十九石零布八
千四百足綿花三千三百斤永樂九年又置洮州茶馬

司火把藏思曩曰諸族歲納馬三千零五十匹 曰岷
州鎮是設岷州衛領紅堆等四十一寨堡所二曰階州
領水磴等十一堡曰文縣領陰平等十二寨曰西固
領沙川橋等十三寨共寨六十九堡八備邊副使一員
駐岷州守備三員一岷州一階州一西固總巡千戶五
員二階州三文縣東西南三路各總巡指揮一員把總
管隊官全印屯局捕首領官操首領官全防守領官十
七員以駐各寨堡馬步官軍一萬四千九百三十八名
召募民壯四百四十五名馬二千一百九十二疋各處

民運糧折銀二萬九千五百八十七兩三錢三分額徵
民屯糧二萬八千五百九十四石零布三萬七千七百
五十一疋棉花一千三百二十二斤草二萬三千一百
九十束 曰河州鎮是設河州衛洪武初置河州衛尋
改河州衛軍民指揮使司七年置河州茶馬司必里衛
二州七站西番二十九族歲納馬七千七百五匹所一
曰歸德人積石等關凡二十四大通河等堡九三馬步
官軍九千二百一十七名新舊召募壯丁二千二百九
十二名馬二千三百六十四匹各處民運糧一萬八千

六百八十石零草六萬一千九百六十束本處民屯糧
二萬九千八百七十五石屯草折糧一千六百七十七
石本色監糧三千三百六十石折色監銀二千一十二
兩五錢夫 國家邊計西北重矣更涉西南是謂蕃族
界于西川雲南之境即非北虜之為害抑彼風氣殊而
人異類則亦無忘備焉爰設松潘等處軍民指揮使司

隸四

川 轄小河守禦所一龍州宣撫司一及八郎安撫司

麻兒匝安撫司芒兒者安撫司阿角寨安撫司又長官
司曰牟刀結曰蠟地曰白馬洞曰山洞曰阿昔洞曰北

定曰麥匪曰者多曰班班曰祁會曰勒都曰包藏曰阿
者曰襄兒曰阿用曰潘幹寨曰占藏先結凡十七提督
指揮十五員領堡曰東勝曰熊旗曰紅花曰谷粟曰高
屯曰羊裕曰塘舍曰譚廂曰獐獵凡九一領閑曰蒲江
曰北定曰歸化堡曰艾蒿曰鎮革曰小屯凡六一領閑
曰新塘曰安化曰西寧凡三一領堡曰平定曰靖夷曰
鎮番曰填平曰金瓶曰平夷凡六一領閑曰望山曰雪
欄曰風洞堡曰松林曰三舍曰鎮遠曰小閑曰松了曰
三路曰師家曰四望凡十一

以上俱轄
副總兵

一領堡曰峯崖

曰葉堂曰馬營曰水進曰鎮夷曰鉄龍凡六一領閑曰
曲山曰小琪曰睢水堡曰擂鼓曰后庄曰香溪曰疊溪
曰面溪曰三江曰靈就曰規槽曰馬尾曰白水曰龍蟬
凡十五一領閑曰大方堡曰徐平曰觀子曰平通曰大
印曰茅堆曰山茅曰徐塘凡八十一領閑曰石板曰上
雄堡曰填底曰石泉曰白印曰青岡曰石泉城凡八十
一領堡曰平番曰奠酒埧曰赤土凡三

以上俱轄
右叅將

一領堡

曰永鎮曰大坪曰普安曰新橋曰漢閑曰疊溪城曰馬
路小閑曰新堡凡九一領閑曰撒底曰鎮夷曰保子堡

曰灌縣曰保縣曰新安曰乾溪曰堪州曰文川凡九一
 領閔曰七星堡曰石鼓曰鴈閔曰青坡墩曰黎園曰遷
 喬曰白水曰鹽魁曰噉遠曰四顧曰羊毛曰五里凡十
 五一領堡曰土地曰鎮夷曰閔子曰神溪曰土門曰桃
 坪凡六一領閔曰寶大堡曰穆肅曰長寧曰松溪曰韓
 胡曰長安曰椒園曰鎮戎凡八以上俱轄右恭將茂州衛隸四
司轄疊溪守禦所一威州守禦所一及長寧安撫司靜
 州長官司隴木頭長官司岳溪蓬長官司疊溪長官司
 鬱郎長官司計兵食則松潘衛小河所三路新舊屯田

三千八百五十九頃七十畝零主客官軍各一萬一千
 六百八十四名額坐各倉糧九萬九千三百八十一石
 布政司分額茶課一十九萬二千九百四十四斤餘原
 額鹽額銀七萬八千四兩九錢餘茂州衛并疊溪威州
 灌縣四路主客官軍各一萬四千一百五十二名守禦
 所新舊屯田八百五十六頃七十四畝額坐各倉糧一
 十萬三千九百一十七石安綿霸底石泉四路各官軍
 六千四百五十二名額坐各倉糧三萬一千一百一十
 八石又四川行都司領建昌等六衛七閔五十四堡雖

設里六十有七乃禦西之保障也又內之麻陽則鎮溪
叛苗二十洞草子坪叛苗二十七洞 國初歸順爰設
鎮溪草子坪諸寨隸湖廣銅仁平頭諸司隸貴州各有
欽降印信及納糧地土兼以土漢衙門叅錯相制顧行
箐叢在徑路迂迴黨與盤據出沒為患宣德七年總兵
蕭綬勦平之六十餘年無患正德七年都御史周南再
勦平之二十餘年無患後因永保酉竹諸司各利土地
遂爾連兵構禍嘉靖十五年龍求兒之亂該壤之民毒
矣尋以都御史萬鏜平之 廖道南曰我 皇祖肇平

南土即設永順保靖于湖設酉陽于川而施夔貴竹各
有安撫宣撫及長官諸司兼收並蓄納汙包荒治之以
不治而亡七年以來守臣以經畧為空談土官以構爭
為上策債帥擁虛位而殖利戍卒鮮長技而寡謀以致
苗首煽虐積寇窮克官不久任職無兼制兵不死守人
無固志故也臣以為割地不若建官據其要害擇一全
才如漢之虞詡唐之李德裕久其任而不遷責其成而
永守若鄖襄之兼蜀汀贛之兼閩以制永保酉竹諸司
以控蠻獠猺獞諸夷兵法曰我制人而不制于是或

一道也又內之虔鎮有大帽九連三泘諸險賊倚為巢
雖夾四省而時有呼吸之變自昔王守仁亦著績焉有
欽差巡撫南贛汀漳提督軍務都御史一員以隄防之
江西湖廣廣東福建各設兵備副使以協制之稍疎其
守未必無可憂矣君子曰外寧必有內憂故不忘戰安
內亦以攘外故不忘守苟徒虞大敵之在望而不警奸
細之為蠱詎云太平之福也與哉

